


文苑英華

自五百七十五
至五百八十一




表

庫	文	閣	内
三四	三	漢	
函	七	書	
九	二		
架	六	類	
	冊		
	號		

庫	文	閣	内
三	三	漢	
六	七	書	
函	二		
	六	類	
	冊		
	號		

内閣文庫	
番號	漢 3726
冊數	100(58)
函號	361 53



綴じ部(喉部分)の文字等が開きが不鮮明な場所あり

文苑英華卷第五百七十五

宰相讓官四

表二十三

淺草文庫

讓中書侍郎表一首

代史館相公讓官表六首

為王相公讓加司空表一首

為徐相公讓加食邑表一首

為中書崔相公讓官表五首

代史館王相公讓相位表二首

讓中書侍郎表

令狐楚

臣其言臣聞斗筭之器不可持盈腹背之毛安能翔遠是以知進忘退易象之深戒在寵若驚道家之切訓此微臣所以遑遑然又積肝血銜思陳露而未得者也中謝臣代



業儒素心游文史雖自勵已豈敢發身始望之官止於中
臺即吏外郡牧守而已幸而因緣昌運遭遇盛時振拔群
倫驟登台衮伏惟皇帝陛下欽明御曆睿哲配天華夏宅
心俊賢翹首方當選衆固合退身豈意迂於皇閣之崇參
以紫微之重特出睿旨不因人言九重所知萬殞何吝誠
宜建用皇極保合大和弘聖功於堯舜之時追恪德於夔
龍之列而和羨之用覆餗為憂空有仰於清光實無裨於
玄化一作自叨竊遽經炎涼跼影兢魂痛心疾首伏乞鑒其
惘欵察其疾羸賜以冗員實於散地溥求俊傑委屬鈞衡
則大君知人之明末光於典策微臣妨賢之責將息於輿
言一作廟朝天下幸甚微臣幸甚不勝感恩屏營之至

代史館相公讓官第一表

錢珣

臣某言伏奉今月十三日制命授臣某階某官仍加食邑
一千戶今日獲於延英親承聖造瀝懇陳讓未賜允從臣
某誠感誠憂頓首頓首臣聞在席之上讓而坐下人猶犯
齒朝廷之位讓而就賤人猶犯貴人情之間讓猶如此况
其不讓無犯則難而復台輔至崇鈞軸至重頃年陛下擢
臣秉政莫獲固辭已乖矣於當時敢因循於今日伏惟尊
號皇帝陛下於君臣之際今古所希有善必知有過必掩
使之夾輔恐不光昭故重器崇名焜耀而常思假寵進言
一作論道周旋而盡蓋推誠上感天心臣非木偶今之讓
爵蓋懼生災猶慮天下之人將有所犯敢於翰墨畧布肺

肝且陛下示以殊恩增其貴秩當庶事苟同未稱在衆心
必以為非族乘寓臨宗祐權設有兵革未能載或有法制
未盡公行九此憂虞不遑寤寐茲以受命可謂稱乎聖澤
纒流謗言亦至縱朝行爲臣箝結顧寰海必自沸騰則上
有私於輔佐之間而臣闕一作緣啓災咎之本繇一作是終始揣
度進退驚疑以此拜章實期得請陛下加臣以渥澤不若
使臣合物情寵一作措以光華不若遣臣免災咎儻人言
不息天咎必來焉得自隱自欺不披不露懇悃伏惟洞開
睿鑒俯循愚衷且遣粗安更容陳力廣至明之德罷已降
之書昭示四方用新聖政臣某無任感激惶懼屏營之至

第二表

前人

臣某言伏奉今月某日批詔具承聖旨臣昨者固辭罷休
有異常等然始以謙讓為說終以災咎自陳未能便動天
心上迴睿渥復傾肝血進拜封章直舉其言冀蒙昭允臣
某誠迫誠懼伏惟陛下寬明有制聰哲成文揚憲祖宣祖
之風冀元和中之運故欲治而尚亂欲泰而未安潛測
聖懷常縈百慮臣為宰輔得不周知且自去秋以來國步
未復臣每思人事每揣人情內激肺腸有如湯火陛下當
食不美當寐不甘欲以攻苦食淡之心抱公滅私之道致
陛下之理釋陛下之憂然而再秉機權未能致此者蓋臣
去已之事尚有因循防患之謀率多容易若臣去已必決
防患必專天下之憂庶幾稍改而祿位輕授之弊近歲愈

深上自侯王下至卒伍受爵賞者所承不重荷恩澤者所
感不深蓋緣族類之間踰謬者衆不重則無以勸其戮力
不深則何以激其盡心因之且不稟朝廷不畏法度不稟
必亂不畏必危本末之間實出於此今臣貴為四輔重有
萬機階秩就加朝廷常典又何必齷齪謙讓而違君命也
但欲審度去就明辯否臧以臣去已決烈之心拒天下越
等干求之患使爵賞不濫與一作及恩澤不妄加則承之者
必重感之者必深如此自凜朝廷自畏法度有患可弭有
難可平此事非所難為祇在陛下明察倘或信其誠請遂
寢新恩則君臣之志氣大同理道之根源必正若陛下不
顧其說在臣亦欲何為但抱憂惶難居夾輔有渝斯語是
謂明欺君道始終聖情深淺祗期遂志不敢匿情再黷冕
旒若臨泉谷臣某無任迫切惶恐俟命允許之至

第三表

前人

臣某言臣昨者再獻封章實披肝膽而詔書批諭德澤滋
深有志未從有言未納雖屬沍寒之候不勝流汗之憂臣
某誠悻誠惕臣聞帝王以國事之重倚於輔相者既觀舉
直之誠必責理平之效故責之必信信之必終然則歷覽
古今此乃明君遇賢臣之事今陛下明德非臣獨知臣之
非賢人共知耳而待罪之位非次父居陛下知臣之心處
臣之地每升便殿常認聖慈謂臣輸寫甚忠舉措多直每
忝大政皆聽淺謀有間之言無從而入至如一昨忽構群

邪奏密而左右不知禍鉅而本根已固雖傾陷盡闕

一作關

於大事而譖傷先在於微臣陛下知臣素無他腸知彼但

肆讒口聰明一寤擊斷不疑否則臣求抱幽冤已當誅殛

棄逐奸臣之日忽降渥恩蓋欲使中外之人明知遇臣益

厚以茲銜謝詎並尋常則臣自此事君自此執政每圖報

効且合何如所以固讓重恩深申血懇昨者所陳章表始

末以去已為言蓋欲以人情所難為臣願為之於今日陛

下所賜之異寵臣願却之於此時將使萬邦盡驚致理因

茲約束冀漸和平若臣冒寵不辭何術可制天下至大至

切不得不然今陛下未察愚衷頃疑作加聖澤與向來知

臣之旨昨者保臣之心顯有不同臣將何託前所謂齷齪

讓之懇匪以沽激為名利於國家不避震怒倘陛下將期

復國別欲任賢奪臣迫切之心以示棄絕之旨則當避賢

而退不敢更煩聖聰竊期此言得遂堅請臣某無任拜首

瞻天瀝血殞涕懇激徬徨之至

第四表

臣某言今月十八日延英敷奏親獲因讓官榮徒荷皇私

未從卍悃今日又聞臣檢復閣論言莫聽鋪陳尚令祗受

臣某誠懼誠迫臣聞臣下相遠者天地也而天地之氣必

通所以四時周旋臣尊卑相懸者君臣也而君臣

之道必合所以臣政天地不通則萬物矣

君臣不合則變政以今 臣等推誠極言防患拜章累日
詔三臨聖鑒未週愚衷無感耻君道之難合懼廢政之
特乖內員凡憂君難昭意是以泣邀神助往覺魂飛伏念
此心匪綠他事推誠為國防患為君恭惟睿慈寧忍不察
且朝廷之勢不強於藩方輔相之權見侵於將帥隳毀我
法制殘害我生靈 臣常結憤於膏中陛下亦興歎於南面
固欲乘機革弊因事抑強二者之能不假奇術但所行必
正所作無私祇於賞罰之間必與物情相順陛下申命宰
臣奉之聳噴皆披頑嚚可化而將帥見侵之患日息則朝
廷不強之勢日興罔害政理之大經罔累聖明之全德
使國平時泰不慮不憂陛下若棄此不從是怠於中
臣之痛惜如割飢膚心腹腎腸傾寫罄竭 臣血可
軀可糜已決之心則不可奪 臣其叩頭屈膝無任涕流
泣血精爽殞越之至

第五表

前人

臣某言 臣今月某日延英面獲陳讓後復拜封章詔諭又
臨懇激未遂 臣某誠兢誠慄頓首頓首 臣聞琴瑟有不調
者尚或改而張之辯士之言良史必記朝廷命官之典故
大於琴瑟之弦公輔宰相之謀亦重於辯士之說况所命
者宰相崇高之秩所謀者邦國編制之機而臣等堅辭必
防他患陛下固憂 臣等後復難何救且臣伏
思陸贄以忠信事穆宗 帝建中初方為侍從之 臣事繫

安危言皆激切有不納者必能力爭當彼寇難之時德宗欲加尊號適於陸贄遂欲忘言以為大熱猶存中區多梗是天意去熱之際人情自宜忘之秋若使重益美名必累中興之業德宗英寤遂納忠言當時轉禍之期實若走丸之速然則以近臣直道奪聖主鳴名有犯之言莫甚於此今臣讓官辭爵與彼輕重不同而於危難之中陳匡救之力愛君為國心則無殊昔者德宗拜閣披陳具明損益今臣四上直疏陛下未察愚誠是何恩澤之深全惑是非之埋感泣慙懼知臣者天然陛下處多難之時欲繼德祖之美彼則深思利害聽一學士之若言今則可見否臧阻三弊臣之固請臣是以極疑此事是呈天誠陛下之心皇天親惟德是輔今若尚令批論抑與寵私則陛下不德宗臣亦自耻不如陸贄臣自知其耻得不得不其然積耻成憂積憂生疾心神錯亂舉措顛危祇於旬時必當覆餗便湏末棄不見中興以是而思生不如死臣言至此臣意可憐唯在聖明速賜聽允臣某無任俯伏嗚咽以身候命之至

第六表

臣某言同心同德是為亂臣五款封章繼陳懇悃復升便殿累貢切言天高而曾不少聞日近而未嘗俯照臣某誠憂誠迫頓首頓首臣聞詩云受爵不讓至於已斯亡仲尼刪詩此言不去則古之為君者非憎其臣而欲以爵亡之

也蓋勸忠勞昭典冊無以加於爵位也古之爲臣者非惡其爵而欲讓之也蓋定是非畏盈滿無以加於謙讓也得受爵之宜無不存也失讓爵之宜無不亡也古人所謂亡者彼亦不過其身既而有益於君亡亦可也苟或亡身敗國無益於君致亂階於一時流惡名於千載今臣之不讓是長亂階且陛下觀天下之事理乎觀宰臣之心忠乎若天下已理宰臣不忠陛下迫以爵位致其危亡臣則瞑目而歸何害於國若天下未理宰臣則忠陛下不聽若言瀆加重爵臣則碎首而退何利於國臣之不畏其亡但當未理之時不可更長亂階也所謂未理則非聖德有所不能蓋天下承弊日深諸候不順其理故臣欲以今日之讓天下承弊之風而正其不順也不革承弊不正不順而萬人并安四方無事者是抱薪救火其可撲滅乎言出臣口事痛臣心假使嚴旨復臨臣則終讓而已奚自拜疏却類叩闕臣某無任流涕哽切進退屏營之至

爲王相公讓加司空表

前人

臣某言伏奉今月某日恩制特受某官者三公之選八命而居前古以來無人則闕仍開大國兼進崇階言渥恩則深若紫泉顧名器則重侔泰嶽揣分一作揣循非次恐悻難安臣某誠惶誠恐頓首頓首忝列公台忽踰半紀事乖允當識昧便宜何施作相之材但累知臣之道頃因出符自合乞骸未臨復國之期敢有逃天之意而君能得一日且

再中空知陪扈之勞獲覩清夷之慶伏自去歲至于今春
每懷失職之憂繼歷避賢之懇愚衷無感睿鑒莫迴徒齟
齟以受譏但因循而竊位何言需澤又降重霄實慙夢賚
之人安稱坐論之地捫心自省沾背不遑雖陛下脩道側
身發言罪已可卜運興之兆將承天賜之休然則劔戟未
銷江關或阻猶煩聖慮且乏嘉謀敢於此時輒荷極寵上
祈玄造俯信赤心行之則明主有私罷之則微臣無咎推
諸至理是以固辭蓋欲保全實非飾詐冀蒙矜鑒特賜允
從冒黷冕旒臣無任兢感戰越之至

為徐相公讓加食邑表

某言伏奉今月某日恩制加臣食邑一千戶實封一百
戶臣某伏惟尊號皇帝陛下文武應天憂勤厚國旁求
贊慎擇能賢如臣之才焉可執政徒以其濫承台蔭擢處
鼎司屢改流年多隳藝憲莫獲乞骸之便空懷沾背之羞
頃屬陛下尚駐乘輿且臨關輔都人久散廟貌未嚴顧居
守之重難注宸衷而任使聖言親降霈澤遽行拜官仍忝
於緇衣備位不離於黃閣寵靈則固兢慄載深蓋以乍違
天顏初達帝里雖南山渭水變王氣以潛新而荒草壞垣
動秋風而尚慘連蔓何有緇戶猶稀臣當此時莫知所措
實賴祖宗垂祐睿哲申謀兼委近藩旁分庶事免微臣之
獲戾濟重務以有成遂致玉輅鳴鑾六師被甲陳吉行之
盛禮正法座於良辰誕告四方復興景運御日月而無違

素志嚮丘園而已動歸心遽謂聖慈忽加玄造尚責佐王之効重增開國之封仍容素餐兼賜奠食祇承異數徒冒優恩已虞招損之譏敢竊好謙之美况佳兵未息公聚多虛詎宜特命輔臣更加并賦事非允當言必喧傳伏惟曲鑒愚誠便迴厚渥冀絕謗論且顯聰明臣某無任荷聖感恩瀝懇待命激切屏營之至

爲中書崔相公讓官第二表

錢珣

臣某言今日某日伏奉批詔以臣陳讓寵光未賜允許揣分而省躬知懼感恩而鏤骨徒深臣某誠憂誠激頓首頓首伏念臣之事君也輸忠竭力以從政君之使臣也增爵進秩以報勞勞旣未申寵至必讓允於庶事皆在適時當其時不得不行非其時不得不止今臣承命可謂非時且愚加獻鴻名是爲常典而去歲之首群臣數四拜章願增神武之名用稱欽明之德而陛下未惟大體堅奪衆心蓋以及正之初艱難未濟仰惟睿旨非獨謙光欲廣嘉猷深知不可陛下之志旣定臣子安敢復言亦以非時罷茲盛典今臣之愚懇竊合聖暮去春方在京師尚隳此事比者猶當巡幸固不可爲內度宸衷必開弘鑒遂敢再披肝膽實期便輟渥恩請候鑿路歸還干戈弭息却施綸綍俾合憲章今日皇私則難益之可行可止事理甚明伏冀睿慈更收霈澤再冒旒纓臣某無任兢慙迫切之至

第三表

前人

臣某言臣昨以寵光踰濫循省兢愛兼懼用典非時有累日新之德拜傾肝血實冀允從而天鑒未開愚誠愈迫臣某誠惶誠激頓首頓首伏以陛下濬哲自天憂勤為國感忠蒙之未泰先昧爽以有臨臣每奉清光備承睿旨無言不盡無理不思決去邪懲惡之謀若反掌轉圜之速况察忠仗信據禮任材誣譖者徒欲橫侵傾危者皆令立定茲所謂䟽通知遠淵唐諱靜有謀闢四門明四目者也臣不知昔之令主何以加於陛下之道乎然睿哲憂勤昭彰如此今宰臣以非時之命有所堅辭蓋欲朝廷行事得宜天下物情共洽則臣可以制天下非宜之請廣朝廷致理之端用贊中興以新庶政詎獨務為飾讓而進犯宸嚴臣誓則何嚮不通憂勤則何思不至既通既至必察必知之所陳實欲利國神明所聽毫髮敢欺况有常情亦難自匿臣雖乏出群之智纒剛強壯之年幸偶文明方圖富貴苟或拜恩可稱荷祿不慙則何必固小節以鳴謙干大君而違命跪承批詔退揣事機讓之則所益必多受之則所損非細仍念王搏雀胤以懇激拜章并臣披露之辭畧盡不臧之說雖煩聖覽當察群心得遂有改張遽收溼澤斯為從善實可經邦且允受寵休有所退避或名聲不稱或遭遇非才小則耻識者談笑之端大則憂賢人譏責之罪今臣於談笑譏責亦不敢以君恩避之實欲制天下之非宜廣朝廷之政理用光興復未濟艱難仰望聖慈臣某

無任寤寐齋禱誠切之至

第四表

前人

臣某言伏奉今月某日聖詔以臣堅讓寵章未賜允許者憂誠若焚駭汗如雨發於肝鬲鑒在神祇臣某誠恐誠迫頓首頓首臣聞以欲從人則可以人從欲鮮濟此蓋左丘明之信史臧文仲之至言陛下多閱正經以資明德固於深旨靡不盡知然而陛下優遇台臣恢張天覆賜爵而唯恐不重流澤而唯恐不深茂典畢申睿慈未足此蓋陛下以無私之欲勸有位之臣使其更竭謀猷以濟難否是陛下之欲也臣匪不知臣所以斯湏不寧數固而讓者蓋緣陛下在省方之地有國未歸微臣忝執政之權遇昧未奉為輔彌實抱憂慙刻苦厲精進賢讓寵所期天下之且不加罪於臣既安其心庶竭其力此臣之欲也陛下之欲不過勉勞臣等三人納善罷之小無所損微臣之欲使昭示天下之人聽而俞之大有所利利在邦國皎然可知陛下若以欲從臣理無不可若以臣從欲鮮濟不疑雖又新奉聖慈未容陳讓在臣丹赤誓不稟遵其於利害之言辯折將盡實以多為緣飾亦不敢更黷英明進退之心死請而已臣某無任懇敬兢越之至

第五表

臣某言臣事君未盡職每聞澀血懇而鞋續不聽降皇使而紫泥適至臣是誠惶懼頓首頓首臣聞啓乃心沃

朕心哲王所以倚輔相而成理道也然則觀便宜陳訏謨
務匡救而由諫諍不可必奪可者必行竭力盡忠是爲啓
沃苟無啓沃何用弼諧伏以陛下自周歲以來出居未復
南嚮而坐聖慮日深思頃來及雷之言還天下投荒之士
潛心有感逆耳多容今大駕方欲還京宰臣非時進秩上
虧聖政旁啓貪謀守內幸門因茲大啓竊念久隳法制何
堪更自破除倘陛下固行寵光乃是姑息之旨信任則疎
四海得以酌量萬事更當奸弊且臣固受爵祿唯惜政經
盡理極詞未蒙聖鑒則是陛下棄啓沃而任獨見絕諫諍
而惡正言自此朝廷邦成壅蔽凡闕得失凡有是非徒欲
統論必無允納則不知笑天下之事自此如何近歲宰執
恩不過再陳謙讓至于今日莫並前時朝省夕思可畏
懼蓋二年之內六馬再奔若使理道昭彰奸兇凜畏何由
致此安得不憂聖聰雖煩朝綱必振良圖甚大至化斯明
若以干犯未休震怒不捨即臣直視鼎鑊如對軒裳蓋有
氣經邦有心事主死而無悔言實可悲唯恐但留名聲不
足弭其憂患更無多語祇欲長號臣某無任披膽陳肝請
罪之至

第六表

前人

臣某言某五奉批詔尚未允臣所讓官階爵邑者伏以將
相大臣凡被恩命有所辭讓不過再三安則稟而受之不
安者亦許其讓今臣已倍再三之數情固有所不安聖鑒

未聞憂心如醉臣某誠恐誠迫頓首頓首臣聞杜恕魏之名臣也常以立心行事若非明達君子見諒本心不然則刺心示人與臣何異臣雖不佞常歎其言知信人難古昔如是然杜恕於族類之內尚與此言今臣幸以遭逢重為宰執雖論才較智莫稱陶鈞而秉直輸忠敢欺神象拜章之請擇利經邦况奉天顏盡披血懇誓然疑作莫信死請莫從則臣刺心於冊表之前陛下亦當未察兢憂慙歎無地可逃今辭理已殫懇激愈甚蓋臣於不安之事終無受寵之期苟或譴怒下臨臣則伏罪而去干犯宸嚴臣某無任殞涕流汗惶越之至

代史館王相公讓相位第一表 前人

臣某言臣聞君人之私在始終而必遂人臣之分以自圖嘗觀古今莫不如此臣謬從先訓本涉儒流傳之者猶有琴書教之者令歸忠孝臣之不佞頗墜所承唯於忠孝之心實畏神明之責策名游官止望周行偶聖立身俄塵大任材同常士寵過素期雖欲遠慕前脩旁探令典窺其事業勵此顛蒙副明主之憂勤避衆人之指笑而所務者生靈富壽每痛剗刻所制者兵革弭寧尚聞侵伐報然備位何以事君不唯又合避賢固亦尋宜獲罪偷安四輔忽已六年假名器而則崇執機權而益拙循省是懼斯瀕不遑然臣於六年之中未忍為一朝之計者蓋以陛下信其愚直如見肺肝安以彌諧終無疑問事不幸者必蒙

曲恕心不欺者則荷明知忝異禽魚感深骨髓強陳寒方
用荅聖慈今則曠敗漸多智謀將竭不能引退定至顛危
况陛下光復京師已逾周歲臣之去就亦謂得宜竊見嶺
南節度使薛王知柔近有封章懇求替罷是以臣今日敢
於便殿直冒宸嚴乞免鈞衡得分節制赤誠盡寫天曉莫
迴既集兢憂彌增激切伏念臣之心力則未甚衰管學政
經因叅戎事尚可遠臨海服具舉化條每推糾率之勤業
濟邦家之用謹廉無犯攻若不私微臣所能庶幾有效實
非飾詐輒罔睿明隳膽獻書期於聽允登壇受命皆是寵
光遂之則臣必有為奪之則臣將不逮上惟君命乃獲始
終且使臣又全進退自昭聖德未爽舊章仰望鴻恩臣甚
無任迫切悸恐之至

第二表

前人

臣某言去冬以持衡力竭待罪年深曾披肺腑乞免機務
兼遇嶺南節度使知柔上書求代臣遂仰告聖慈願守遠
藩別立微効陛下未容休罷尚委弼諧旋命貴臣密宣唐
昔臣之去就詎合固違焉敢復拜封章是以苟安廊廟又
移歲序何補國家臣頃者瀝懇之時陛下亦降許臣之旨
欲俟他日知柔并有陳情則於此時允臣所請邇來備位
不敢更言上荷皇私且策駑蹇今知柔又貢章表辭甚激
切宗枝將帥事體可從亦繫機宜便合制置速擇交代免
失一方倘陛下念知柔陳乞之私察臣披露之懇使之伏

敏委以藩條必能撫諭島夷董集征賦旁資國用粗慰聖
心躬親則可以使人廉謹則不令生事擇利而斷全在宸
衷當邦家匱乏之時敢違輸貢兵革交侵之際幸保上靈
臣與知柔各獲其所伏惟尊號皇帝陛下恭默守位明哲
臨人每務求圖以揚丕烈克全君體尤重大臣苟非輔相
之間誰能盡窺聖德臣之遭遇獨異等倫臨事出言未嘗
不信輸忠抱直無所不知七年以來萬機寔重仍逢多難
唯任至愚若非聖明尋合顛敗由茲感激更竭勦骸近者
有量力實不逮今所陳乞未曰退休荷寵出藩臨戎報國
誓秉始終之節兼推紆率之心直寫赤誠冀開玄鑒今日
延英殿已具奏聞未蒙聽允輒陳牋翰更冒宸嚴臣其無
任祈恩待命迫切兢悸之至

文苑英華卷第五百七十五

之問誰能盡窺聖德臣之遺愚獨異等倫臨事出言未嘗
不信輸忠抱直無所不知七年以來高機定重仍逢多難
唯任在憂若非聖明何以能收此效感激更竭誠敬近蒙
有量刀寶不違今何陳乞未曰退休何能更落臨戎報國
誓秉始終之節兼推紆率之心直寫赤誠冀開文鑒今日
命與世蘇科之至

文苑英華卷第五百七十六

表二十四

節度刺史讓官

為揚許州讓右羽林將軍表一首

為皇甫懷州讓官表一首

為第二舅讓江州刺史表一首

為臨川王嗣宗讓陝州刺史表一首

為竇孝謹讓閩州刺史表一首 讓容州表二首

代孤獨將軍 讓魏州刺史表一首

為崔使 君讓潤州表一首

代 裴相公讓河南等道副元帥表一首

謝讓加銀青福建觀察使表一首

代杜相公讓河南等道副元帥表二首

代杜相公讓劔南元帥表一首

代杜相公讓將相封爵表二首

為揚許州讓右羽林將軍表 宋之問

臣某言伏奉今月二日制書除臣忠武將軍守右羽林將

軍五色無主如驚葉縣之龍千秋來歸似對遼門之鶴

謝臣聞為官擇人集作才先辟之成務陳力就列古人之用

心臣家本關西衣冠河曲素業將墜莫嗣英靈朱輪載輝

諺承恩渥未盈一紀連刺九州西涼本六部之樞南荆乃

九州之會蒲藩關左之重鎮魏郡山東之奧區宣城襟帶

吳郊許昌密邇於周室每耻政逾期月之來慕之

易星霜無去思之詠隼旟廻復日忝恩榮熊軾往還多

道路出居岳牧負尸祿之譏入計河都待曠官之責不意

天私俯宥辱獎曲成擢之類表無以心膂之官賜之類表無

字在爪牙之地非常之澤捧戴矢圖天衛凝嚴北軍清切

風霜劔騎頓玄武之僊闈龍馬集作鳥旌旗環紫微之帝座

掌斯嚴祕必屬親賢臣也何顏敢膺殊寵當今鷓鴣接翼

文武周身咸皆實已過名位未克量臣內求諸已外媿妨

賢若使愚臣苟安於私懷聖授不允於清議陶鈞雖廣無

路自容其實由稟讓非飾跡伏乞垂收渙汗更授類表作環

材軍司得人臣謂報國無任傾類表作幸媿負之極謹詣朝

堂上表陳讓以聞

千秋集作

衣冠河曲

集作非河此

關左

集作關右

克量

集作克德

為皇甫懷州讓官表

前人

臣某言伏奉今月一日制書除臣使持節懷州諸軍事守

懷州刺史成命俯臨競覓自失妨賢不退無德而升恩屢

錫而知慙祿彌高而轉懼

中謝臣

聞國經選士有一善而

不集作

遺天爵與能從九徵而可試臣薄遊憲府累踐禮

闌衣繡無執簡之才起草愧臣移官望苑日月其

除驟駕梁園消埃莫効剖符南峴臣民謠

集作既

作鎮

西河未寬人隱二三

一作邦為政撫熊軾而無功

集作

八使

廻軒同鶴鳴而有薦遂迺謬臣東帛猥賜褒揚頓掩前

更延今罷山陽大郡河內名區桑竹陰淇水之西井田

之北將何以潤通京邑化接神州雖勉三載之勤

集作

一年之借封臣畿之要歷選稱難臣也胡顏敢膺斯

寄伏乞再求遺玉臣網潛珠庶使賢才申共理之心

集作

聖主得分憂之地無任叨竊之至謹詣朝堂奉表陳讓以

聞臣所讓人別狀封進

為鄭資州讓官表

陳子昂

臣某言伏奉某月日

制集作

以臣為資州刺史恭承璽命

祇拜寵章匪服知慙

中謝

臣學漸名術才乏器

能而寶曆逢時金章坐忝題輿佐岳無展驥之能

集作

竹專城闕懸魚之化臣嘯徒積主諾空慙伏惟陛下革命

開基造天立極方且弘宣帝典大啓皇猷而四岳觀風不

虛其任六條班

集作頌

政以屬其人

集作才

臣疲朽已侵循良

父昧將何式過

集作光

刺奉光叶得人伏願慎選英髦

集作傳選

英克諸僉議使人光共理政治惟良大周之命惟新愚

之責攸息其所讓人具列

集作如

前狀

為第二舅讓江州刺史表

李嶠

臣某言伏奉恩制以臣為江州刺史寵命載臨憂惕若厲

臣某誠惶誠恐頓首頓首死罪死罪臣行踈道缺學淺藝

空百里弦歌歎蒲密之化六條贊貳之海沂之績幸屬乾

坤改旦堯舜為君下邑多淳朴之氓太平無峻切之政遂

得逾安高秩未抵直繩尚且叨價藩廷竊譽人口挂二

之光彩達九臯於霄漢畫餅虛名孰云可錄素餐厚

之符竹飲水懷炭內慙外悚况夏首西浮水陸交泰荆門

東會舳艫相接是謂九江之府實殷三楚之郊旋顧瀟虛

本慙幹理將何以階浮獸之政術奉錫龜之職貢負乘之

累豈但於身災敗駕之憂慮虧於國重臣雖貪冒苟在進

趨至於上負帝難下速官謗猶恐知懼不敢寢默伏願回

光三舍收霈九天微漢濱之翹楚罷燕宮之緹襲則共理

之寄無蹇於外臺得賢之什復聞於中宸無任悚慙之至

謹詣朝堂奉表以聞

為臨川王嗣宗讓陝州刺史表

前人

臣某言臣謬延殊獎改牧大藩由中之析已薦於宸宸恤

下之鑿未迴於雲極祗奉還命啓處失圖臣某誠惶誠恐
頓首頓首死罪死罪臣地則葭草質惟樗散實慙淮南好
古之意有謝東平為善之樂徒以攀光日月藉慶雲霄遂
得升降玉除珮服金璽四科取士本異賢良五等建侯自
緣恩澤常懼貽累宗室取笑衣冠上缺麟趾之風下招鶴
翼之刺不謂聖慈宏愍厚天造彌隆收其十舍之才委以六
條之任雖臻榮益觀竊忤於如絲而謬職妨賢顧慙於匪
籠一作服况神臯名在四天府上腹是殷帝畿實始王化東則
二南作頌有周召之餘風西則三輔式歌望趙張之遺迹
顧循庸昧本慙政理將何以肅雉殊典崇藩屏之位繼踵
前良致京師之福不能者止竊銘於夙心非據必危敢忘
於人誠伏願暫紆聖鑒俯收愚款亦懷至公之道特竊由
私之澤則符竹有寄長無尸素之譏樞薪得才不失朝廷
之序無任慙懼之至謹重詣朝堂奉表陳請以聞

為竇孝謹讓潤州刺史表

前人

臣某言伏奉恩制以臣為潤州刺史祗奉寵榮俯仰慙惕
臣某誠惶誠恐頓首頓首死罪死罪臣尺澤輕生斗筭淺
一作品行非三德藝之四科屬雲雨曲成山川廣納遂得
差肩冕笏筮羽鴛鴦自兼一作司天地副象河海空陪九
卿之未詎達三禮之源栢梁賦詩徒述鍾磬槐市講藝更
慙几杖當日一作妨賢獲罪豈以稱職為功而皇矣高臨
霽然降澤乃為棘寺還剖竹符入奉千乘之尊出當六條

之寄叨恩竊幸自初泊未夫以下邑樹風是惟政本外臺
驅傳實愬人極薛宣以理劇有才滿歲加授龔遂以撥繁
無効數月召還力選前獻實資共理安可使赤綬厖素
餐高詠伏願敦名器之實絕過謬之私更簡良才言刈其
楚則山谷耆老方懷樹李之觀江湖吏人不起伐檀之刺
無任悚懼之至謹詣朝堂奉表以聞臣所讓人具如別狀
臣某誠惶誠恐頓首頓首死罪死罪謹言

讓容州表

元結集無

臣結言臣伏奉今月二十二日勅授臣使持節都督容州
諸軍事守容州刺史中丞充本管經畧守捉使四月十六
日勅到二十一日發付本道行營臣實愚弱謬當寄任奉

詔之日不獲

疑

憂懼

臣結中謝

臣聞存於家者忠於國

事君者無所隱臣有至切不敢不言臣實一身奉養老母
醫藥飲食非臣不善臣暫違離則憂悸成疾臣又多疾近
日加劇前在道州黽勉六歲實無政理多是假名頗請停
官使司不許今臣所屬之州陷賊歲久頽城古木遠在炎
荒管內諸州多未賓伏行營野次向十餘年在臣一身爲
國展効死當不避敢憚艱危但以老母念臣疾疹日久時
方大暑南逾火山舉家漂泊寄在湖上單車將命赴於賊
庭臣將就路老母悲泣聞者悽愴臣心可知臣欲扶持版
輿南之合浦則老母氣力難於遠行臣欲奮不顧家則母
子之情禽畜猶有臣欲久辭老母則又污辱名教臣欲便

不之官又恐稽違詔命在臣肝腸如煎如燭昔徐庶心亂
先主不逼令伯陳情晉武允許君臣國家萬代爲規伏惟
陛下以孝理萬姓慈育生類在臣情志實堪矜愍臣每讀
前史見吳起遊官噬臂不歸温嶠奉使絕裾而去常恨不
逢斯人使之殊死臣所以冒犯聖旨乞停今授待罪竊
長得奉養供給并稅臣之懇願塵黷天威不勝惶恐
其官奉表陳讓以聞

再讓容州表

前人

草土臣結言伏奉四月十三日勅以臣前在容州殊有理
政使司乞留以遂人望起復臣守金吾衛將軍員外置
正員兼御史中丞使持節都督容州諸軍事兼容州刺史

克本管經畧守捉使賜紫金魚袋忽奉恩詔心魂驚悸
慕悲感不任憂懼臣某_{中謝}臣聞苟傷禮法妄蒙寄任古
人所畏臣敢不懼國家近年切惡薄俗文官憂免許終喪
制臣素非戰士曾忝臺省墨縑戎旅實傷禮法且容府陷
沒十_一二三年管內諸州多在賊境臣前行營日月甚淺宣
布聖澤遠人未知有何政能得在人口使司過聽誤有請
留遂令朝廷隳紊法禁至使愚弱穢汚禮教臣實不敢踐
古人可畏之跡辱聖朝委任之命敢以死請乞追恩詔前
者陛下授臣容州臣正任道州刺史臣身病母老不敢辭
謝實爲道州地安數年祿養容州破陷不宜辭避臣以爲
安食其祿蹈危不免此乃人臣之節其時臣便奉表陳乞

以母老地遠請解職任陛下察臣懇至追臣入朝臣以為
不貽憂歎榮及膝下人子之分不圖恩勅未到臣丁酷罰
哀號窮怨無所迨及今陛下又奪臣情禮授容州臣遂行
則亡母旅櫬歸葬無日几筵漂寄莫祀無主捧讀詔書不
勝悲懼臣舊患風疾近轉增劇荒忽迷忘不自知覺餘生
殘喘朝夕殞滅豈堪金革能伏叛人特乞聖慈乞臣所請
收臣新授官誥令臣終喪制免生死羞愧是臣懇願臣今
寄住永州請刺史王庭璈為臣進表陳乞以聞

代獨孤將軍讓魏州刺史表

獨孤及 集無

臣莊言伏奉今月十九日制書以臣為中大夫持節魏州
諸軍事守魏州刺史寵命光臨心靈震奪中謝臣才庸

流而短翮飛遂以庸微累升清貫天臺望重始預節官帝
贊務殷仍霑縣宰涖州司而罕効撫邊鎮而何功睿澤旁
滋皇明遠照曲顧先臣之舊不忘支屬之姻遷臣以大樹
之榮惣臣以儀本之任既而力微招青祿厚延疴深慮即
填溝壑不得重趨階陛伏屬天地仁慈聽臣入都醫療承
恩之日頓成焦勞在路已來小將瘳健若何以仰祇嘉惠
俯策疲駑當河北之奧藩忝山東之厚寄魏郡太守豈岑
熙之可攀冀州刺史寧籍章之敢列伏乞迴光歛露寢汗
停綸矜臣竊位之誠遂臣量能之請庶知人之鑒影響不
差循吏之聲暮年而至無任忝冒屏營之至謹詣朝堂奉

表陳讓以聞其所讓人別狀封進

為崔史君讓潤州表

前人集無

臣某言伏奉今日日制書以臣為使持節潤州諸軍事潤州刺史散官如故前命甫流後恩適集進退惟谷憂喜聚門臣某中謝臣材質孤陋藝能鄙薄徒以頗承舊業遂得歷踐清資國庠司級一作既非所據六衛陪軒又無足採又欲避賢公府移疾家園不悟冲眷由臨殊私屬委瓠溝東望始拜寵於韓臺竹里南浮遽遷榮於楚澤何以仰承皇寄俯緝昨謹伏乞日月迴光雲雨流霈深惟鑒察改任良能則朝有至公臣知免矣無任屏營之至

代裴相公讓河南等道副元帥表

常

臣某言伏奉今日恩制以臣兼東都留守河南淮西山東道副元帥伏以東征之寄相宅之選皆周召之臣保釐統一也故二南風化見美詩人况洛邑經陸渾之戎有舊染之俗賴陛下發皇明以燭之布陽和以煦之流散稍歸傷痍甫起然猶師居一作君師之任宜得經濟之才自河而南至於吳楚節制戎律半於天下非宏畧傑出功冠一時不可以專五侯九伯之征摠衣裳兵車之會臣以衰朽薄劣待罪台司塵辱尸忝無裨朝政每趨宸陛益愧周行豈謂殊常之恩屢出非望注意之責并在微軀憂懼慙惶寸刻難措臣聞唯名與器不可假人審已量力未宜虛授若貪榮冒寵電悅苟容神明昭昭必速其害伏望歷求類表百

文苑英華 卷一百一十五
九
辟委之兼才以分三老之任用增九鼎之重則至公大行
群下知勸無任懇迫之至

謝讓加銀青福建觀察使表 前人

臣某言伏奉五月二十五日類表無五字恩制授臣銀青光祿

大夫使持節都督福建諸軍事福建刺史充福建等州都

團練觀察處置等使以今月二十一日類表作二十三至所部上

訖臣負恩至深中類表作辱慈曲宥待罪猶近殊渥存臨一作加

蕩滌瑕累超遷方任寵榮非次荷懼失圖臣誠恐誠喜頓

首一作臣本性下愚起自孤賤代耕之望心在於斯經

實非所及先朝驅策以奉綸言由承眷私

歷遂參重務有敦彝倫未申報効未負天地雖由

難容伏以宸斷察微聖慈憫下抑群議以屈法捨

死以矜愚猶委藩條不坐親屬如臣之比前例所無戴感

兢惶類表作感戴殞越無措一作惶誓將沒齒効職南荒刻責

自新庶補前咎常恐惡聲已彼有汗於史冊朽骨縱歸實

穢於泉壤豈謂天波一洗塵渣忽除面目何施灰粉亦足

聖朝使過始自庸臣特賜崇階超授連率臧論之貸曾未

周星錄用之榮頓極今日素多孱劣又乏幹能將何以式

過外虞澄清列郡一作部幸遇德音頻降霈澤普覃惠恤困

窮均省財賦盡除疾苦莫不昭蘇海隅蒼生自樂淳化臣

奉宣清問遠布皇猷老少懷安抃躍相慶臣才非所任不

敢冒榮必招無德之殃恐致負乘之寇伏請削除三品退

五

守一州冀循恒資免至分庶迴宸鑒俯恤一作遂血誠所
忝榮班請授能者無任或荷懇迫之至謹差特進試鴻臚
卿臣郝誠溢奉表謝恩陳乞以聞

代杜相公讓劍南元帥表

前人

臣鴻漸惶恐言臣本自諸生素乏經邦之具無才無行至
愚至拙其所望者在寸祿代耕而已往屬先帝中興時方
草昧攀附日月遭逢盛時獲奉馳驅遂蒙委遇毫髮未報
哀惶靡及陛下龍飛踐祚俊乂滿朝猶顧微臣使參大政
備位宰輔出入六年上不能調和陰陽下不能親輔百姓
朝典隳廢聖慮憂勞其心愧耻中夜三嘆况外統群帥遙
制戎闕在臣懦劣非所堪任曩者受命而行屬西南未
中外所主一作注雖有危難臣不合辭崔寧頃至朝廷勅
經畧及達一作還方鎮事頗條理叔明獻恭竝是良將自蒙
承一作擢用甚允聲實可以倚辯竝堪獨任且將在闕外事
得專之遠道取決恐失要會坐而臨制誠亦非宜今又靖
謚臣何所効豈苟貪榮利以固寵榮類表蓋鎮撫四夷宰
相之任也陛下不以臣薄陋待罪昂司至于疆事不修戎
車未息實得參議任其安危無以一作所裨補皆臣之罪也
何必一方之務獨有責成特乞下鑒愚懇俯停戎號則王
一作天朝無兼授之寵臣下有知止之分昧死上言冀迴宸
矚無任惶迫屏營之至謹奉表陳露以聞

代杜相公讓河南等道副元帥表

前人

臣某言伏奉今日日恩制以臣兼河南江淮山南東道副
 元帥祇奉詔書俯伏流汗驚悚惶灼若無所容臣某誠惶
 誠恐頓首頓首臣聞將帥者四方之守中夏垣翰也上以
 衛社稷外以撫戎夷前篇作 四夷國容不入於軍閫類表 作門戎事
 得專其將命漢讓韓信以安危存亡之地齊擢穰苴以文
 武威附之名所授既難所責亦重非才而處鮮不敗事臣
 固陋無識蒙國厚恩遭時備位塵辱華衮見貽匈奴之哂
 不副蒼生之望効拙無補六年曠官陰陽愆和政理乖度
 金革未戢水旱相乘常待罪於策免敢希恩於望外臣所
 以徘徊渥澤尚忝中樞豈持祿保身苟自容也以其瀝誠
 未鑒不敢固辭頃者即戎巴蜀摠制群師屬兩川未安

臣某言伏奉今日日恩制以臣兼河南江淮山南東道副
 元帥祇奉詔書俯伏流汗驚悚惶灼若無所容臣某誠惶
 誠恐頓首頓首臣聞將帥者四方之守中夏垣翰也上以
 衛社稷外以撫戎夷前篇作 四夷國容不入於軍閫類表 作門戎事
 得專其將命漢讓韓信以安危存亡之地齊擢穰苴以文
 武威附之名所授既難所責亦重非才而處鮮不敗事臣
 固陋無識蒙國厚恩遭時備位塵辱華衮見貽匈奴之哂
 不副蒼生之望効拙無補六年曠官陰陽愆和政理乖度
 金革未戢水旱相乘常待罪於策免敢希恩於望外臣所
 以徘徊渥澤尚忝中樞豈持祿保身苟自容也以其瀝誠
 未鑒不敢固辭頃者即戎巴蜀摠制群師屬兩川未安
 之策不然者將顛沛是懼豈望於天幸哉陛下覆之如天
 容之如地矜其疾病察以愚懇特蒙優詔獲上兵符喜忭
 未寧遽承新命東南至海俾護諸軍外綏四國專制萬里
 以天子二老之任會諸侯九合之師事之濟否所繫尤大
 在臣懦劣非所克堪誠願飾愚磨鈍展効毫髮以報所授
 之恩以勤所忝之職而器非所適力又不任加之衰老事
 多廢忘豈可訓師前篇作 衆職禁以張威武前篇作 衆職伏冀求方叔南
 仲之賢授統一專征之寄天下大柄豈私於臣實恐傷陛
 下之知人干處士之橫議將死請輒露血誠輕黷威嚴
 庶迴宸斷無任懇欵屏營之至

第二表

臣某言伏以智小識淺懇辭新命德音緬邈聖旨如初憂

特慙一作驚

惶寸陰難處情有所迫再黷宸嚴冀天光之下

濟期夕殞之無恨臣某誠惶誠恐頓首頓首臣聞以賢授

任猶誠盈滿無德而祿固宜思前篇退如或不量其分苟

患失之貪榮冒寵以曠職事禍之所伏亦可畏也臣孤陋

疵賤自視缺然遭遇類表盛時謬此榮達得以貂蟬衮服

趨侍雲陛擁旄杖節統護戎師崇班厚遇前篇頓極於此

退自惟省夙夜慙惶類表曠論道經邦之位外之濟河

登山之功但終恩眷萬不酬一四方歸責喧喧盈耳陛下

際其不逮近罷即戎未踰旬時又辱謀帥私懷爽絕以

以怖昔光武見事於千里之外諸將授類表成而已

下聰明神武超然過之哉濟多難類表戎大定今天下

方鎮東南類表最寧九字一作天下但委之將守授以經

畧自可致理又何足虞豈必以不才之臣竊一作非據之

位加之衰憊難於力強陛下知人則哲憫臣竊位之愚固

當降殊私之貸開至公之選倘以懦敗事謗缺上聞雖欲

宥之其可及前篇也昧死陳乞庶鑒愚誠祈於必從不敢

有隱伏冀收春雨之既降廻朝陽而見燭俾不能者止實

望於曲成之仁也無任懇迫屏營之至

右二篇又載五百七十四卷前已削去

代裴相公讓將相封爵表 前人

臣某惶恐言臣聞無德而祿殃咎必至又鬼神害盈而福
謙蓋經旨一作之明言聖哲之垂誠也臣儒門孤賤行拙

性愚自甘散棄豈望榮達時來驟進任遇頗一作崇重備位

將相無補聖朝道惡其滿天與之疾素有氣癖兼之風眩

又多煩躁事劇則昏伏以軍國重務猥承參決強策駑朽

以親事任精爽潛耗病源益深近日有加曠旬彌一作滯

食不知味所進殊少形神憔悴惘惘不樂聖慈憐憫一作

恤一作念微生御膳一作名醫屢蒙降錫霈然有喜載感

於渥恩終亦無瘳復增其沉痾豈不以祿秩過量憂負在

心強其不逮之分促其有終之限以茲速疾固亦明徵且

臣子之急必告君父在臣今日實堪憐憫以陛下之知臣

豈獨厚其爵位也以陛下之念臣豈不存一作其骸骨

臣以冒寵則憐於危殆辭榮則安於攝衛伏冀特矧哀眷

俯察愚誠削除官爵使養衰疾庶垂白之年受賜於陛下

生成之德有過於天地無任懇迫屏營之至

第二表

前人

臣某言伏以衰疾沉綿久曠樞務憂惶迫切不敢自安一作

專所以昧死上將相列侯印綬披瀝丹愚并有陳乞顧景

待命還旨如初窮情未達轉益危困臣誠惶誠恐頓首頓

首臣內顧微躬自量拙分無片善可取無一事可稱皆緣

際會參務軍國尸榮竊位公責所歸且智小謀大鮮不敗

事福過災生常然之理一自嬰一作旬朔未瘳大減服

食晦明異候竊料氣力衰憊恐先犬馬乞遂閑退庶安形
神且臣素疵賤敢期貴達常慮薄質不堪重任今祿位俱
極過逾涯分致此沉痾得非害盈思自損抑冀通神理又
不親政事歷受寵榮廢公曠時益用慙懼所以塵黷旒宸
至于再三情迫於茲敢有所隱愚朴之性陛下素知加以
危頓豈容矯飾伏望罷其新一作所授貸以微一作殘生昔漢
魏近臣有以期一作暮年久疾者則賜告就第或再起復位
若大限未盡羸疴漸平聖慈不棄驅策非晚重得珥貂冊
禁條紫玉墀則微効獲申所乞無幾如或殆至深慮何必
斃榮儻生遂其志沒無所恨矣實冀皇天聽卑於在上太
陽廻舍於志誠一作生成俯納誠祈退令攝衛衰朽餘齒殊私

文苑英華卷第五百七十七

表二十五

文官讓官

代王尚書讓官表二首

為李景謚讓天官尚書表一首

讓地官尚書表一首

為歐陽通讓夏官尚書表一首

為楊執柔讓夏官尚書表一首

為歐陽通讓司禮卿表一首

為司禮武卿讓官表一首

為崔神基讓司贊卿表一首

為司刑袁卿讓官表一首

為司農李卿讓官表一首

為宗楚客讓管轄太監表一首

為王遺恕讓殿中少監表一首

為第十舅讓殿中監兼仗內閑廐表一首

讓麟臺少監表一首

為田歸道讓殿中監表一首

讓成均祭酒表一首

自內史再讓成均祭酒表一首

讓吏部侍郎表二首

代王尚書讓官表

臣某言臣聞綆之短者無以及深馬之疲者無以致遠
實凡淺素乏器能爰自效官累蒙驅策服勤中外三十餘
年始奉將作遽加節制叨尹京觀之任兼副八座之權空
勵駑鉛竟無補裨陛下寬其罪戾特見優容尚列周行更
升榮級臣以殿中監依前檢校刑部尚書未經數月又集
賢侍制豈臣才能及此皆是明主曲成感戴殊私不忘寢
食誓將竭節以報國恩而去歲已來羸瘦沉瘵形神久殆
勛力漸微在暇日多朝天未克顧惟所職倍益兢惶地近
一作宮闈事繁供應統茲六尚之務不可一日缺人以臣
之曠所寄尤甚雖欲匍匐就列支持守官力所不任難於
自勉伏乞矜臣不逮許停此官在臣血誠實惟志願無任
懇迫之至

第二表

臣某言臣聞為臣事君貴於無隱情有所切必以上聞一作言苟易茲道即非盡節臣以衰憊形貌支離自冬徂春心勞力竭縞料旬月之內未能趨拜闕庭殿省務設實憂廢失昨以所瀝上請乞罷此官天路高深未能允納伏覲墨詔米炭交懷且人之立身大抵榮祿蓋有欲之而不得未有得之而願辭今臣務摠六尚位雄九列徃來中禁輝映當朝在臣私門實深慶幸若力能奉職智可効官豈敢用冒天聽堅為飾讓推之物理况見愚衷又臣疇昔之志每懷勤恪比雖綿悒倍益殷憂小有供擬盡關心慮以茲重困轉覺疲羸伏乞天慈察臣不逮儻獲免所職俯救沉疴一作生戍之恩無以堪比無任懇迫之至

為李景謚讓天官尚書表

李嶠

臣景謚言伏奉恩制以臣為天官尚書寵命載臨震悸交集鞠躬自醜屏營無措臣景謚誠惶誠恐頓首頓首死罪死罪臣聞俊又在官百揆所以時叙名器妄假九流於是咸曠事關隆替義難忝越臣才踈行缺學淺智空十舍無千里之資一經乏三冬之教一作徒以遭逢昌運始因藉時一作幸雨露一作雲雨之曲成遇山川之廣納遂得差有冕笏比跡流品出入臺省周旋階闈鏘金鳴玉坐榮枯朽擊冰搏風顧慙腹背自忝司衡鏡函易積一作星灰雖智力已窮而清通未效朱紫多紊涇渭莫辯宜其抵罪觸網稍清

官謗翻乃假寵增服更垂天獎是用荷恩內訟以榮為憂
且夫八座位隆五曹望重典南宮之喉舌象北斗之樞機
式資藻鑑奚綜宿實自非孝先亮直彥輔公忠一作山濤
之簡靜篤素顧譚之心精體密何以對揚天哲厭寒人望
顧斯政本實揔國彛豈臣庸愚所堪尸忝伏願迴光寢照
返汗收恩察臣由衷之請矜臣陳力之議則朝端允穆天
下至公四始輟在梁之譏六爻無負乘之累矣無任慙懼
之至謹詣朝堂奉表以聞其所讓人具如別狀臣景湛誠
惶誠恐頓首頓首死罪謹言

讓地官尚書表

前人

臣某言伏奉制旨以臣為地官尚書無涯之恩忽降寶
非據之惕坐驚魂宇臣某誠惶誠恐頓首頓首死罪
臣少無竒志長乏異能短步非疾於驕騶翺飛自同於燕
雀逢聖神之再造屬天地之兼容鄭璞齊竿竊混聲價秦
冠漢綬叨踐名級步駕池之清切陟鸞渚之便蕃出入五
臺周旋三閣行膺負璽之任遂服專車之寵萬機損益蔽
於庸陋之心百揆謨欲滯於膏肓之疾爰發皇揆特留宸
眷假優閑之秩雖入杏壇參崑亮之謀尚和梅鼎徒延舟
楫之舉竟微股肱之效挈瓶之智患在於空虛瞰室之災
懼深於盈滿方陳骸骨之情遽荷雲霄之命召乘之青前
謗未除忝越之譏後恩仍及還振蜉蝣之羽欲參龍鳳之
行赤紱妨賢物知不可素食得位臣亦胡顏况八座樞機

五曹要劇上儀七星之象旁理萬邦之教自非元凱之明
允忠肅陳韓之敦樸淳深將何以釐正版圖擾安邦國臣
之淺狹誠則貪叨朝有典章敢叨疑非望伏乞迴乾坤之
曲澤收雨露之殊私廣訪訐謨詳求棫樸更引食場之彥
俾臨均土之司則受任得才無愆振鷺之美官方有序不
失貫魚之次無任慙悚之至謹詣朝堂奉表陳請以聞臣
所讓人別狀封進臣某誠惶誠恐頓首頓首謹言

爲歐陽通讓夏官尚書表

前人

臣通言伏奉恩制以臣爲夏官尚書非常之恩忽萃庸朽
顧匪服而增醜奉如絲而自失臣通中謝臣聞思皇多士
必求於俊又惟帝念功不寄於庸保臣識量凡淺志業
廢之刀筆之吏能無俎豆之經術徒以積勞爲忝久宦
資承日月之末光霑雨露之弘貸丈二之組每慙於假竊
尺一之制更獎於庸微俛仰慙惶屏營夕側夫以天臺峻
密帝猷殷曠端揆隆於八座樞衡總於萬機非夫賢才孰
能綜理况周官司馬有甲兵之職漢服珥貂兼喉舌之任
歷觀前載此選尤難安可以樗櫟散才瓶甗小器比德陳
劔差蹤鄭履豈無慙於謬寵實有懼於妨官今聖曆惟新
王化資始天工其代帝難所急伏願特寢過恩旁求實用
塞多幸之路開至公之道則巨鱗縱壑朝有得賢之頌惟
鷄在梁臣無濫官之責無任慙懼之至謹詣朝闕奉表陳
請以聞

為楊執柔讓夏官尚書表

前人

臣執柔言伏奉恩制以臣為夏官尚書光寵載臨震悸交集臣某誠惶誠恐頓首頓首死罪死罪臣學無所成志不及遠徒以憑託霄漢接南陽之近親感會風雲附西京之外戚遂得叨恩藉幸服冕乘軒將鷲雀而同化共鸞鳳而並翼自升榮軒闈接武卿士徒參河海之象竟乏涓塵之效竊位妨賢自甘屏黜循涯揣分敢希超獎而聖造不貲天波累洽仍降非常之澤更申踰等之命豈惟連芳八座上比七星固亦分職五曹專司九法昔虞登百揆命喉舌之官晉簡庶寮崇元凱之秩自時厥後此選尤難自非宿望通才高賢舊德何以別邦國之大典膺腹心之重寄臣尹忝無成實彰於既往朽劣不逮難冀於將來雖輪轉心而勉勵無術寧敢自安時謗屢玷國猷陛下綜理機衡搜擇才俊而至公之道未廣於翹新則哲之明近謬於庸菲恐人物鮮體衣冠失望伏乞鑿迴冲鑿俯絕過恩更弘尚德之舉不失能官之授則濟濟庶寮自有悅於多士區區庸鄙儻無譏於候人不任慙懼之至謹詣朝堂奉表以聞謹言

為歐陽通讓司禮卿第二表

前人

臣通言臣受恩怖懼已薦欵誠而還旨綢繆未垂矜亮俯仰跼蹐心魂震蕩臣通誠惶誠恐頓首頓首死罪死罪臣學藝夔缺心迹兩蕪願常接言友朋而信未盈在陳力官

守而智罕挈餅徒以沐道康衢食和休曆四方無事逢聖
后之垂衣百度已貞得庸夫之高枕幸承寬大遂安忝竊
本將榮利求達不以廉隅自脩厚祿尊官雅是所溺陳辭
抗疏豈為高誠以理苟未安義則不可何者噐有劑限物
有局量當其才則事或能濟踰其分則力所不堪是以枯
木朽株不荷棟梁之任諛聞曲學不為廊廟之資臣妨賢
自久竊位非今然自承乏具寮叨榮散職雖云尸忝未甚
隳廢至於典司邦禮出納王言徒飭躬而自強終絕臚而
無力汝作霖雨既非庸妄所堪臣為股肱必致陰陽之失
虧名損實匪顧身疵蠹政傷風將辱朝鑒誠為貪冒豈敢
自安伏願回日月之明收雲霄之澤察臣由衷之請臣
知止之分則周廟之噐無懼於盈滿曹人之衣或免於
刺無任慙懼屏營之至謹詣朝堂奉表以聞臣通誠惶誠
恐頓首頓首死罪死罪

為司禮武卿讓官表

前人

臣重規言伏奉今月十五日制書加臣中大夫兼司禮卿
寵命光臨心靈墮一作震越臣重規中謝臣聞量能而官往
聖垂範無德而祿昔賢有誠陛下施物之平不私毫髮知
人之鑒獨謬庸虛一作賁但禮秩一作秩宗之職歷選所難苟非
得賢於何求化西京置一十二列首貫金吾東漢有三十
九人多遷玉鉉妙擇時望將以洽神祇博採列侯所謂重
宗廟桓榮之經學始展今恩孫通之禮儀方膺此命在臣

無取遠謝古人將何以載玄冕之七旒驅素一作赤車之十

二作乘臣之慎慎非欲自保其身臣之悽悽深慮上塵於

國伏乞聖恩容納皇澤霑濡深惟得人傍授能者則天官

無曠庶績其疑謹封所讓人狀如前不任慙懼屏營之至

一作皆唐類表

為崔神基讓司賓卿表

前人

臣神基伏奉恩制以臣為司賓卿芝渙曲臨獎飾踰分蓬

心迴蕩冰炭交集臣神基誠惶誠恐頓首頓首死罪死罪

臣才實九庸志無遠大徒以命偶時來食和飲澤累叨恩

遇浸成榮顯遂得出擁朱軒入陪紫蓋被服珪組周旋階

闕自謬司六尚承乏九賓星館驟移塵露無紀每懷已

之誠實負曠官之責寧可以更奉殊微重叨非據當象

之顯列處惟月之崇班陛下刻象荆金焚山勝道維駒在

詠異人並出無容使芳蕙為菑疑康瓠成寶伏乞天哲改

擇人望則尚德之舉無累於翹薪匪服之譏不塵於列棘

無任慙悚之至謹詣朝堂奉表以聞

為司刑袁卿讓官表

陳子昂

臣某言伏奉某月日勅授臣某官祇拜寵章集作光寬宇飛

越臣某中謝臣聞王者敬懼愆在典刑天下取集作平允

集作茲廷尉苟非其人法不虛行臣本庸微名術無紀階

緣際會昭遇盛明謬得揚歷簪裾陪奉鴛鴦綢繆榮寵集

祿在苒年時毫髮之功無聞於官守素飭之責每積於公

朝何嘗不悚迫惟憂夙夜祗畏而天恩方被寵命仍加復
蒙璽誥之榮驟縮集作銀章之貴未言非據稽首知慙伏

惟神皇陛下恭已受圖任賢興化方且合符皇極代理天
工臣亦何人敢妨賢路伏見某官某乙弱冠登仕早有能

名每以清白洗心不為寒溫變節誠使榮加天寵職察雲
司必能利用文明哀矜庶獄彌成五教無謝於堯集作臣

載光三典允諧於周議愚臣昧暗不識大猷請乞以臣所
授官讓與某官庶使官允其才名不失實聖朝有得人之

盛愚臣無冒貴一作責一作之譏實在宸集作聖集作慈鑒非虛謬
為司農李卿讓官表 前人

臣某言伏奉今日日恩制依舊授臣中大夫守司農卿臣
枯骨再生更蒙寵命魂魄兢越不知所圖臣某中謝臣

庸愚本無名節庇身公族竊軒冕之餘假翼宗枝濫衣冠
之末因循罷秩集作服集作累歷榮班素飡之責每深效拙之勤

未補橫被逆賊徐敬真以私讐冤架延臣集作架臣云與叔
孝逸交通逆豎獄官執法實以極刑臣腰領之誅已并灰

粉泉壤之魄分隔幽明不圖陛下天地之恩再生朽骨日
月之照曲被重泉察臣非奉斂臣無罪不牽文法之議特

垂赦宥之慈螻蟻微軀復得全活自非陛下克明克聖至
德至仁臣之魂魄不保今日臣免死為幸豈敢期榮陛下

加臣寵章還臣舊職載集作典集作司宗伯以睦周親愚臣胡顏
敢冒朝典况臣叔孝逸推使未還集作迴集作在於愚臣更深集

文苑英華 卷一百一十五
九

須待罪安敢私職一作訟職以玷國章伏乞天恩照臣愚懇不勝感戴生榮之至

為宗楚客讓營膳太監表

李嶠

臣某言臣叨承睿澤冒陳愚懇而九重再達三舍不迴鞠躬慙惶莫知啓處臣誠惶誠恐頓首頓首死罪死罪臣自惟寡薄何階榮遇徒以山林舊籍有感聖慈葭莩末戚特延宸獎遂得升朝列位服冕乘軒平視公卿奄同七貴坐登霄漢非因六翮自兼司喉舌副掌樞衡百姓不親徒承在寬之訓萬機都曠終替責成之舉期獲戾於妨官敢邀榮於賜秩而其露時雨不遺於溥汎尊官厚祿更集於庸虛仍令入總巨卿出毗藩牧顧非材於樗櫟空媿梓一作梓人方假職於檐帷多慙竹使夫以渚宮作鎮旁兼水陸營室致功上儀星象自非馬延年之勤苦羊叔子之恩惠何以撫茲千里按彼百工陛下義不斷恩遂忘濯龍之誠微臣寵深增懼敢冒濡鵠之譏况今天地開元聖神改物四方拭目而觀化九流褰裳而願仕而則哲之鑒未獎於翹薪至公之心近謬於凡菲將恐開親昵之多幸失衣冠之雅望小人淺見偶識自量匹夫雖微敢守難奪伏乞俯停過謬更擇良能則出門同人更釋于宗之吝側席思彥不乏登壇之寶無任慙懼之至謹重詣朝堂奉表以聞謹言

為王遺恕讓殿中少監表

前人

臣遺恕言伏奉恩制以臣為殿中少監奉命荒越不知啓

處臣某中謝臣行忤神祇身積釁咎偷延苦泉自其殞越
陛下忘其疋陋牽以繫維仰號工昊俯踏下土精誠無感
三舍不廻志節莫修九泉未即遂復肅膺紫綬權就墨綬
俛首官寺醜顏朝序自攝職天臺慙簡要之目徒秩京輦
乏仁明之政銓管無滯多謝昔賢抱鼓不鳴實愧前烈空
尸厚祿坐積時謗不謂天光下濟聖慈曲覽重延殊獎更
超顯位司六尚之嚴凝望九重之清切懷恩揆拙既懼且
慙但臣下棄情禮上虧答效孝不足稱忠無可紀永惟家
國實負君親將何以安其尸忝暴之視聽伏乞暫廻冲戀
少察懇誠不虧聖朝之鑒無重愚臣之罪則涵育有方官
某無替無任哀悚之至謹詣朝堂奉表以聞

為第十舅讓殿中監兼仗內閑廐表

臣某言伏奉恩制以臣為殿中監兼檢校仗內諸閑廐逾
涯之恩忽降霄極非據之惕坐驚寃宇臣某誠惶誠恐頓
首頓首死罪死罪臣本乏才藝素無操植徒因緒業獲齒
簪裾屬兩曜重光三靈再造登山捧日始會於風雲涉海
窺天遂攀於星漢位非德進榮以恩昇出捧鸞鑣駉王輿
之式道入陪鳳宸預金門之通籍扈清切之嚴衛接綱繆
之宴私丘山之恩徒謝成貸一作徒綵髮之効竟知無補
加以燕烏竊幸假鳳連棲弟兄分侍於闈闈甥舅齊踪於
樞祕光榮被於九族罷遇傾於百寮是以常誠滿盈亟慚
尸素一作忝叔寶之遇武子雖願輸忠正禮之對公山唯憂

曠職常思高明之瞰室無懼平路之傾軫豈謂天道不賞
聖慈逾厚仍降非常之澤重紆加等之命妨賢受位多慚
於鴛鴦之群匪服叨榮實愧於蜂蟻之羽一作維竊惟先
王慎擇不進於凡庸明主虛求務延於才俊伏乞傍羅祀
梓更詢棫樸必取尤能秀傑方為御府之臣無使五枝輕
姿謬處七閩之任自然六尚增價七驕無忝納于百揆終
無廢事之譏賓于四門必有得人之頌無任慙懼屏營之
至謹詣朝堂奉表陳謝以聞謹言

讓麟臺少監表

前人

臣嶠言伏奉制書以臣為麟臺少監依舊兼脩國史仍知
獻閣舍人制閣事仰戴私恩退揆愚陋手足知舞
慙嶠誠惶誠恐頓首頓首死罪死罪一經莫守五枝
不成宮墻易窺俎豆無術陽和布德枯朽同榮雷霆發音
閉蟄俱起用叨時幸遂歷清階含香握蘭惟塵於兩鳧之
署切問近對匪服於雙鸞之沼西垣載筆五字非工東觀
屬詞兩班難嗣空抱支離之疾坐招尸素之譏惟此挈瓶
有同畫餅豈足以比有良史參領祕文猶陪二子之行尚
忝四郎之末網羅帝籍既佇英才出納王言寧容妄處陛
下搜賢擇善責實兩名程才畢入於準繩適用不差於輪
桶伏願特迴鑒揆俯察愚蒙深惟帝難妙簡人才則尚德
之舉寧謬於鴛池妨賢之談不起於麟閣無任忝竊慙悚
之至謹詣朝堂奉表陳請以聞謹言所讓八別狀封進臣嶠

誠惶誠恐頓首頓首死罪死罪謹言

為田歸道讓殿中監表

宋之問

臣某言伏奉今月二十二日制除臣殿中監依舊押千

特降鴻私一作恩超加等數足臨鯨壑未借聞罷之憂首

龜山豈踰承恩之重臣其中謝臣聞欲成大厦必寄於

材將適遠途理歸於駿足未有闕公輸之巧輒事揮斤無

良樂之能謬令市骨臣藝術無取名檢莫聞叨承任遇遂

階通顯再趨一作超武禁誠恪未聞三入文昌消埃莫效剖

符為郡山東無勿剪之謹握節和戎漠北有不賓之虜而

制書涵育猥錫褒揚天造曲成更延今授臣知不可清議

容推賢讓能列聖之明範量力審分先覺之讜言當今

運為昇平朝多俊又伏乞臣稱職以代不能遂愚

衷之詞全聖主一作皇至公之道授受無失臣免妨賢無任

悚懼忝竊之極謹詣朝堂奉表陳讓以聞臣所讓人別狀

封進謹言

讓成均祭酒表

李嶠久視元年

臣嶠言伏奉恩制以臣為成均祭酒對揚鴻休揣摩褊量

獎飾踰分周惶增惕臣誠惶誠恐頓首頓首死罪死罪臣

才不應務命實偶時非親非賢奉帷幄之侍無藝無術備

盞梅之臣排金門而止玉堂步鸞閣而遊鸞沼抱支離之

沉痾曠密勿之繁機六駟不任但慙於腹背四支已頓空

請於骸體一作體骨分辭榮於瑣闥仍藉罷於環林顧非席上

之珍敢辱淹中之賞况末序歲學稱為教化之宮西膠席
門實應文章之宿論姬孔之制度談夏商之損益方期遺
典墜業有可發明豈伊曲學諛聞所堪戶忝伏望俯停庸
察改命者儒則授几肆筵還知入廟之禮褒衣博帶不濡
在梁之翼無任忝竊慙惶之至謹詣朝堂奉表陳讓以聞
臣所讓人具如別狀臣嶠誠惶誠恐頓首頓首死罪死罪
謹言

自內史再讓成均祭酒表

前人長安四年

臣嶠言伏奉今月二十四日制書除臣成均祭酒同鳳閣
鸞臺三品餘並如故列星儼日曲垂鑒揆膏兩油雲傍麗
渥澤承命如失負恩不勝臣嶠中謝臣本諸生階緣常
幼趨詩禮纒學脩身長習文章罕能經國徒以淹年曠且
積勤累勞無翼而偶摩霄不材而參構厦往逢人乏澁荷
天聽類表預聞政事莫近王益尋而大馬私疾頗至重羸
蠖蟻殘生俯蒙含育矜其不逮備以閑司臣獲從容稍似
強健復屬皇慈不已聖獎彌勤始接貂蟬更追龍鳳機務
埴委昏情戰兢風勞霧氣曉迫宵煎因此疲羸慮成廢類表
作曠所以每求清閑輒事陳乞竊望優游散輩沐浴淳源
豈晤大類表造弗遺殊榮累及玷類表代天之列躡教曹
之行且祭酒之榮有道之選往年已知不可今者何宜重
遊伏乞特寢嚴汗改命長才非敢欲逃身責深恐有紊國
經由衷精誠惟聖矜祐無任懇迫懇荷之至謹詣朝堂奉

表陳讓以聞其所讓入別狀對進

讓吏部侍郎表

邵說此表唐書
邵說傳有

之已注異同矣
華作張說非

臣某言臣以殃釁頃遭汚染知臣者或哀其逼切畏忌者

或肆其讒誣自授南宮分銓東洛于茲累月憂懼實深火

心水背若墜泉谷何則拜命之始遇山陵附近奉辭之日

屬虞祭未終不得入覲天顏少申誠悽此臣所以達曙不

寢一作寐終朝疚懷徘徊徬徨莫知死所今情有至切不敢

不盡陳其愚衷臣家本儒素代傳名節臣祖長白山人貞

一以周朝權統革命潛遁終身臣父殿中侍御史璽之屬

玄宗撥亂興邦楊歷數四累登甲乙之第再踐準繩

微臣積累殃禍所終十八而孤長於母手誓心墳史不

戶庭迨至天寶中謬忝叨場擢第適會老母棄背服喪河

洛及祿山之至禮制當臣愚不脫縗麻更踰再歲而賊

中言議往往紛然臣懼凶黨不容寓遊洛魏值慶緒奔遁

保於相唐書作西城大搜詞人脇為已用以克威責臣不至以

驛騎逼臣遂行與潘炎始陷克逆遽聞思明款附燕趙服

從欲取黃沙嶺路因此得歸闕下屬思明數萬之衆南鎮

趙州送臣於范陽抗疏以聞奏肅宗特降中旨授臣左金

吾衛騎曹將軍宣恩命云聞卿遠來可且於思明處憇息

留滯未幾忽遇烏承恩事彰由是井陘路絕再陷克盜而

思明朝義負恩之際臣亦累達款誠伏蒙肅宗皇帝賜臣

勅書云卿志士苦心王臣勵節藝成俎豆跡陷豺狼頃年
 鄰中策馬歸命出於萬死臣節尤彰忠誠若茲不負於國
 比朝義將敗謀守河陽臣知迴紇利於野戰沮破其計及
 朝義奔走臣得西歸伏死於闕庭獻狀於先聖中使特宣
 進旨云卿之狀跡多肅宗時事三數日內即授卿官當蒙
 除臣延王府功曹叅軍宣進旨云卿所進狀見今在院及
 翰林檢勘至其年六月十九日與王佑同時召見先聖謂
 臣及王佑曰卿所進狀朕一一已令檢卿之誠節可謂著
 明尋除王佑侍御史除臣殿中侍御史仍遣宣進止中書
 門下令制詞中盡言其事詞云王佑邵說有文學政事之
 資飾溫良恭儉之行嘗應推擇薦屬流離失身淹時無
 自免然而深知逆順潛竭款誠當慶緒之難已彰臣節及
 朝義之敗更沮克謀言念忠懇何傷點汚思申雅器且表
 至公宜擢憲司式弘國體則先聖疇昔之意盡已知之自
 是再忝栢臺四登郎署宰理京劇倅貳祕書一十八年備
 更任使今復以非次待之不疑斯發自天斷非常情所及
 且棄瑕錄用古昔攸難稽之載籍所傳無幾則齊桓諸侯
 之主能收管仲太宗非常之聖特任魏徵咸為得人終成
 大業如臣行藝寡薄知識凡淺有殊管魏之事曾無管魏
 之才必恐受謗於衣冠不容於葦列速愚臣之禍傷聖主
 之明其理必然固無疑也古語曰女無好醜入宮見妬士
 無賢不肖入朝見嫉臣雖掌銓日近切慮見嫉已深伏願

哀臣血誠免臣此職四門已穆百度惟貞在于微臣死生感戴無任懇切之至

第二表

前人

臣某言臣以玷缺懼辱高位一昨瀝肝上請泣血祈天冀達愚衷俯停新命不謂聖慈褒飾宸鑒未廻伏讀墨詔載深兢惕臣某中謝臣嘗覽載籍備知古今用人之道其流不一遇艱難之際或有棄瑕偶文明之時固當慎擇如臣頃陷兇逆大節已虧雖昔曾獻款而罪難自贖今中朝無事八表會同有符帝舜之理日漸時雍之化已明四目特序九流豈臣汚染之餘合又清通之寄縱使陛下憐臣宿

意察臣協從無邪取舍詳 知恩臣疇昔之血誠哉何則今歲吏曹至難十倍

歲缺員至少從調者多益知唐書功優其數尤廣又準選

唐書格以判留人十輩之中放其六七彼輩衣糧自遠旅

食經時固不甘心必大騰口脫有誣謗上疑聖心事等投

杼將何取雪此臣之懼敢不盡言况朝廷冠冕如雲咸稱

俊傑或以文行底祿或以政術知名出入中外累更任使

而臣謬司左職實用多慙伏見戶部侍郎唐書作郎中蕭定司

農卿庾準才優識遠望重一時伏望罷臣別受定等庶光

朝選克辯人倫則徐毛裴王復存聖代無任懇願迫切之至

為梁王妃讓封表一首

益州父老請攝司馬鄧公為真表一首

為僧普潤辭公封表一首

為道士馮道力讓官封表一首

為郭子儀讓華州請立生祠堂及碑表四首

為杜司徒讓淮南立去思碑表一首

代公主讓起新宅表一首

代公主辭家人畜產官給料表一首

為裴駙馬讓官與父表一首

藩王讓官

為把公讓宗師表

庚信

言伏見詔書以臣為使持節驃騎大將軍開府儀

三司宗師中大夫伏奉綸言心竄震聳臣聞堯分四岳是

以望秩山川舜命九官是以光華日月必須湯儀一作刑

德明試以功乃可協和萬邦咸熙庶績臣幼無學植長闕

才成鴻都之門不能定其章句鷄鹿之塞無以名其碑碣

憑天漢之汎水附弱木之分枝東岳則朝宿有名南宮則

門闌有籍在臣庸劣久知滿盈武陽以功臣之重特拜宗

師東平以母弟之尊超登上將臣有何德能兼此榮臣早

傾廷蔭曾未扶墻母氏慈訓哀矜勞苦甫及成人復垂捐

棄几筵如在忍離鞠養之恩終天無報叩心難任欲草土

丘陵終身瑩域霜露申哀時之感鸞雀展迴翔之心不悟

天澤沛然謬垂提掖當今玉燭調和既非金華之世璿璣
齊政豈忘松楸之餘况復一枝踈曲終危九層之臺一股
岑蹄必傷千里之駕皇帝欽明文思光宅區宇禮格四方
無容奪臣此志孝治天下自當哀臣此情太宗爲師更求
同姓之國元戎叅乘別選能賢之臣伏願覽清蒲之奏曲
允微誠詔鳳凰之池特收嚴召則天慈無濫私願獲從臣
之容身便當有地不任荒悚戰懼之誠謹詣朝堂奉表以
聞

爲定王讓官封表

李嶠

臣某言臣頗布欵誠庶蒙矜恡而由衷之請空竭於肝膽
臨下之鑒未察於庸愚集木非兢臨泉罔懼臣某誠惶
恐頓首頓首死罪死罪臣歷窺前志詳考舊聞莫不以
道興邦家不才替社稷漢武帝網羅群士唯佇俊賢周成
王訓迪庶官不求庸保臣行能近淺識性凡陋難化之質
非八音所陶不移之愚豈六藝能飾往緣戚屬叨奉恩私
遂得地列齊封門開魯館承敦叙於九族被徽章於五等
今光華始且品物維新三代典章理遵於舊式二京恩澤
宜革於權制方就散秩之輦幸沾朝請之流寧可以冒踐
槐廷更增茅土况班彝錫瑞執揆衡法垂象於三台視
隆班於四瀆實司邦教是日藩維豈臣餘喘殘生所合尸
忝非臣荒情菲質所宜叨據陛下懸旌訪逸刻象求才朝
有白駒之賢野無黃犢之彥方使思皇多士必明於至公

豈令棫樸能官近廢於親昵臣自審量實所不堪部室之災豈唯於身咎拆鼎之責方貽於國患伏冀回光歛靄寢綏收綸察臣不移之心矜臣非飾之請特停過誤改命才

為定王讓兼知司禮寺事表

前人

臣攸暨言伏奉恩制一作命臣兼知司禮寺事臣本無操履素乏藝能憑藉葭莩遂叨冕笏盡能刻鵠一作鶴非有天才簪犀紐龜但因地勢鑿空虛微眇之質驗庸聞不逮之姿素簡神衷豈勞銓叙幸得攀光日月藉寵侯王祿比高

本任奉在生多幸於臣已足豈可重叨非據更竊隆

斷國章下逮身謗昔漢疇稷嗣將冠九響虞昇伯夷實掌三禮奉蒸嘗祈祀之典有匏土笙鏞之節匪徒移風易俗

兼且尊事神祇一作尊天事神豈於九庸所可參議况此司禮分職見有二卿並在官聯事且無缺更參駑蹇之足徒亂駕

鴻之序伏乞聖慈廻鑒天造曲成矜其慊切之心念其尸曠之責怡然俯察濡乎垂許則至公之道實弘於聖朝多

幸之災不累於九識無任慙懼屏營之至謹請朝堂奉表以聞

為臨川王讓千牛將軍表

前人

臣嗣宗言臣學藝無稱才行兼闕幸得一作延慈蔭遂歷通

班花萼同榮依上林而發彩鶴鷄交賀仰大厦而相歡恩
此丘山效微塵露叨榮席寵荷愧承羞臣嗣宗謝中臣嗣宗
夙奉皇明已忝銜珠之秩兄懿宗近承天澤又當執金之
尊傳第兄齊列伯仲分曹咸典禁戎並參宸衛匪唯官崇一作
祿厚思滿盈而增憂固亦秉勢操權顧章程而自惕况
臣素抱愚拙更纏疴恙牽羸引憊竊位妨賢內懷尸素之
慙外冒朝廷之謗豈可以多塵聖化又累能官伏乞收迹
冊墀歸骸素里庇堯雲之光彩浴舜海之波瀾柳蔚桃濃
聽南隣之鍾磬茅舒桂滿陪北闕之簪纓食厚渥而忘饑
樂太平而愈疾則涵養之德瞻大造而斯弘覲冒之譏在
故臣而和免輒陳固陋輕贖威嚴授紙彈毫驚魂悚息
誠惶誠恐頓首頓首死罪死罪謹言

此篇五百八十一卷重出今已削去注異同為一作

為安平王王揚州都督府長史表

臣某言伏奉恩制以臣為揚州大都督府長史光寵載臨
震悸交集臣某誠惶誠恐頓首頓首死罪死罪臣蒙蔽有
素非陶染所移磨礪無成豈鑽仰能及斯並久塵聖鑒不
逮更伸愚款陛下降猶下之憂忘具臣之譏乘以軒車佩
以璽綬射榮席寵瞻歲月而從深結課疇庸在涓埃而莫
取何曾不外慙赤後內日素食是以前布腹心辭禁衛之
重後竭誠懇歸省之榮望效與志養高實願遺身體國
不為疑作謂疑作聖情重恩謝謝更錫隆章重紆顯命刷燕

雀之毛羽求其膏飛歸高路之衝辨微其滅沒雖願盡智
力而終難勉強陛下齊容符日以席思賢必欲無曠庶官
克諧共理臣智慙一割政之四科豈足以恭副虛求弘宣
美績况三楚舊壤一都之會求言作鎮匪易其人伏願遵
尚德之彛躅杜推恩之妄舉以公滅私簡才授職則武皇
得士不慙於曩歲文王能官復在於茲日無任慙悚之至
謹詣朝堂奉表以聞臣所讓人具如別狀

為建安王讓羽林大將軍兼司賓卿表 張說

臣某言伏奉 集作承 月日制書除臣右羽林衛大將軍兼檢

校司賓卿朝榮對及恩露洪垂整仰驚抃環揆失圖 集作慙失

臣某 中 臣席慶皇支辱司天衛素官成書久盈人口頃

山自擅王師震加謬當推轂之禮音空干馬之績

睿謨幽贊靈兵潛討滅犬羊於途海卷旌麾於燕薊臣得

歸功北闕待罪東藩沐沐休脫生死榮幸安敢賣要塞而

告勞貪天功以為已又况羽林清禁一則星辰主客命卿

下法河海蓋文武具美方議望僉歸豈臣弊劣所堪尸忝

伏乞特廻瞻鑒更擇能賢俾朝興新標之歌臣免代檀之

刺非敢飾讓實披誠請無任悚戴之至謹詣朝堂奉表陳

讓以聞

為岐王讓太常卿表 蘇頌

臣某言伏奉制書以臣為太常卿兼檢校左羽林將軍度

奉恩命罔實心願臣某 中 臣託蔭宸極分暉景緯從學多

...

滯不足對於三雍為文雖不足齊於七步日者自天有
命裂地而封盛亨岐之也比從梁之驟駕旋省慙惶益
增忝越不悟前榮始終龍仍加且彛論攸叙百官所以
象物方策不墜二柄所以濟時苟非其才將汨于政况上
卿之任中尉之重自非膠庠告老桓榮列於東面藩邸求
舊宋昌惣於北軍臣何妄庸兼此叨竊類表伏惟皇帝陛下
下夙祗圖錄光宅區寓厥在位喜聖朝之得人獨此曠
官塵睿鑒之知子將何以典司禮樂綜理謠鈴伏乞太陽
迴光慶雲灑澤俯察鄙旁求賢俊則冀受授無失謀謨
有倫無任下情愧悚之至謹詣朝堂奉表陳乞以聞

為安國相王東宮第二表

崔琦

其言前累表自陳披瀝肝膽懇誠所守期在不移

聽邈然未垂矜納屏營跼踖罔措類表作真心願臣竊觀帝王

支庶進以寵私雖假恩靈必詒禍咎親如梁孝尚非正議
所容才同季札猶為長亂之本况臣朽懦將何忝竊且承
先建極當可推恩作範惟親宜崇以正伏願陛下雄畧潛
明皇威誕發燠逐狐鼠梟剪鯨鯢上慰祖宗之心下保元
元之命大位既定業重光再造四海之基方流萬代之
福至於守器允屬元良非聖賢無以厭天下之心非典禮
無以為後嗣之法臣地非冢嫡才實昏庸一旦干冒大倫
亂越皇統近為身患遠成國耻將何以措身闕庭將何以
歸骨山陵是用專固不迴繼之以死特希慈造俯垂聖諒

一作臣某謝中臣跡非飭讓言實由衷區區之心敢不披罄

素所蓄積塵蹟上聞差惡不天一作夙遭險釁哀惇孤藐

百罹是攻嗣聖之後天步艱難逼迫崎嶇措身無地既肩

儲貳又塵尊極正名罰罪合當萬死忝曰臣子豈所晏安

殞首滅身無以塞責臣某謝中臣當此際之心豈貪生而憂

死誠以身居類表不容之地命盡危疑之辰上適可以增

國羞下未足以明臣節是用冒罪假息忍死苟全尚祈宗

廟之靈庶覩迓正之運使臣得退保先朝所命歸死藩邸

之下則雖灰滅良無遺恨惓惓所守神明知之既而天啓

聖期興運伊始明兩出震九二在田臣克遂誠祈獲迓舊

國私願雖果而皇歎未忝每以釁萌城社將傾宗稷常虞

忽禍出非常夙夜憂惶罔知攸濟幸屬陛下光啓休烈

克復中興長信高居供養有地明堂正位忻戴知安抃舞

謳歌稱慶未已不意陛下復將置之非據迫以奪宗前憂

未忘後懼仍及臣之膚剝胡寧斯甚今天地交泰朝野歡

娛獨在微臣殷憂昭代念及同氣願垂憐察

代宣王誦讓皇太子表

臣某言臣自奉明命累表陳乞懇誠無感聖慈未迴進退

兢惶如履冰谷臣誦誠惶誠恐頓首頓首臣聞少陽之重

嗣守宗祧故傳曰年均擇賢義均以卜為國之本繼奉休

明臣質惟愚蒙未經師類表傳問安侍膳夙乖奉養之規

秋簫夏弦昧於類表素昧齒胃之訓無以上承七鬯展敬案

類表作

類表作

類表作

盛內省多慙類表作內多慙報

豈敢飾讓亦蒙諒察惶怖失圖臣

所以累獻封章備陳丹懇伏望俯廻天眷曲遂愚衷臣無任懇欵之至

雜讓

為梁王武三思妃讓封表

宋之問

妾言妾聞天與才多地居外戚理乖謙益一作不患無位患在寵

盈妾亡夫三思頗讀聖賢之書夙知止足之分在先朝

漢藩之社位亞上台陛下流渭陽之思室嬪愛主常恐

高祿厚福極禍來閨門之談顛覆存戒但以願施

効尚鬱山林之遊詎謂吳楚指有錮恥為名父子以

在良以崇高取忌退讓未形事雖然濟言猶在

黃壤子天青春唯知哀訴神明况泣天地妾之殘命稱曰

來忘更何心顏享茲豐厚况三思久謀謙退人所未知實

恐士庶遊談是非相半既未能辨明高義豈復忍貪吝餘

資雖則伯宗已亡獻誠者聞乎如盜尚冀黔婁宿意見知

者因乎寡妻今墳土未乾總惟猶設妾所以廢寢忘食瀝

歎披誠未允前祈更陳後請伏願俯矜賤妾遠念幽魂收

彼白茅之封表其赤松之節光陛下有任賢之德明三思

無冒寵之譏妾之區區意盡於此無任感切之至謹遣某

詣朝堂上表以聞并贖威嚴伏深戰越妾死罪謹言

益州父老請攝司馬鄒公為真表

閻丘均

此篇合在六百九卷雜上請門今已移入姑存其目

為僧普潤辭公封表

張說

僧普潤言伏奉甲寅制書以普潤加榮沐秩授邑封公聖
 恩無涯將變枯朽佛法有教誠願住持普潤自剃落壞衣
 五十餘載心不見是口不言俗因誠證業憑禪悟理幸逢
 皇祚將集作特啓大運有歸皇太子逼畏兇讐末懷興復憂
 虞之際一作始蒙顧問貧道起廣救之悲決必成之
 策奉符命之旨贊無畏之心今得衆生又安群魔消伏在
 於法侶所願為多視身本無何功受祿天位有德陛下享
 之天討有罪太子行之豈貪天之功以為己力賣佛之法
 而求身利必若冒榮背律返俗違真亦恐乖陛下崇誠之
 情集作崇失如來付囑之義凡所稱述諸佛證明伏願聖
 慈亦垂開領乞停恩授以幸法門無任護戒傳道之至
 謹請朝堂奉疏陳情一作請以聞

為道士馮道力讓官封表

李嶠

臣道力言叨緣幸會謬奉渥恩隨簪笏之九班列山河之
 三土王言如縛敢不欽承人好惟星願披誠款道力本厭
 翬滓夙耽閑曠潛形草澤不將臯鶴並聞浪性雲霞惟慕
 共一作海鷗相狎十步徒歡於飲啄一官匪尚於榮華幸屬
 聖期謬廻天獎承軒冕之賜列是樊籠踐繩墨之途更成
 維繫尺鷁但慙於鍾鼓鷄鷄空費於牲牢故欲瀝膽輸肝
 誠一作披披誠一作肝進款倘蒙却收匪服改命如絲不一作以
 尸曠之交免其負乘之責則物情輿論誰不謂宜如將衆

列疑作難遠微功必叙仍優附鳳之賞遂假濡鵠之衣則望賜以官名還其道服仲虞懷八座之祿未入朝廷之推列五等之封尚居山藪所冀資此俸秩永脩齊供庶王清垂貺增寶祚於三光一作元金籙開祥固珍圖於萬劫上隆紫極之統下遂清溪之遊在於微生實為幸甚道力昨已陳請未蒙處分重此干祈伏增戰越道力誠惶誠恐頓首頓首罪死罪死謹言

為郭子儀讓華州及奉天縣請立生祠堂及碑表

邵說

臣子儀言臣得同華節度使刺華州刺史周智光牒稱得晉壽薛遠等將以華州是臣所生之地奏請與臣立紀功頌德碑天慈曲臨已蒙聽許又得奉天縣令程暹狀稱臣姓仇廷珍及僧山海等狀亦請與臣立碑及生祠者伏以皇家受命祚運延昌雖妖孽暫興而天地終太收兩京之際陛下親搃元戎臣忝職驅馳躬執鞭弭指蹤逐寇皆聖主之雄圖靜難夷宅且微臣而何力四句類表作指踪逐寇幸克有成皆聖主之雄圖顧微臣而何力又奉天之役大挫渠魁亦仗天威以集戎事必欲紀之金石播美無疆聖合昭宣聖功垂於不朽豈臣薄劣輒敢當仁存寐就惶莫知死所瘡痍之後凋瘵未平更屬春時實妨農業乞迴歲命一切勒停庶老臣無貪天之責疲人有息有之謹奉表陳讓以聞

第一表

前人

臣子儀言伏以華夷之天者壽等請與臣立碑及生祠
昨已奉表請停未蒙之納夙夜者完一作度不勝戰悸臣某
中謝臣以孱庸謬承驅策雖東征西伐莫顧微軀而保大定
功皆憑睿筭今欲刊諸貞石未播徽猷實為貪天之功難
勝踏地之愧况今兵革未息瘡痍未平忽此勞煩必有妨
奪顧臣薄劣將何自安臣雖至愚深知不可再陳旒袞伏
用兢惶所望聖慈遂臣誠請無任懇迫之至

第三表

前人

臣子儀言臣聞人臣事君稟命而已若君有非常之畧則
臣成佐命之勲象彼四時運行實因於上帝配諸百谷廣
大在宗於滄溟頃陛下監國無軍則再安宗社及飛龍踐
入克清夷狄所有成績首一作匪雄圖臣雖在行何力之有
今奉天華州耆壽請為臣立碑且陛下聖功已書簡
策微臣薄效何足褒稱耆又之徒昧於事體謬請刊紀殊
乖名實昨已再表懇辭冀一作廷誠謙陛下未察今斷來章奉
詔兢惶若墜泉谷况今畿內百姓日益凋殘糧無半菽室
如懸磬以不急之務擾至疲之人竊顧心顏益增覩懼又
比來耆壽陳狀是官吏指麾恐以臣備位台司妄為希附
縱有勤請或一作非飾飾所折聖造特遂愚衷區區之誠敢以
死請無任懇迫之至

第四表

前人

臣子儀言臣以耆壽之請為臣立碑及生祠臣自

揣功業至薄不足以及所望言終至弊不可以與力役歷
獻愚懇至于再三言不動天不蒙允納夙夜兢懼不遑寧
止臣非有馬援南征之志實憂北伐之功安敢飾詞以陳
謙讓但以兵革不息十年于茲天下之人未獲其所臣幸
備相位尚負憂責頃歲之克復京都去冬之小却夷醜所
有微効皆稟聖謀然未能使其干戈盡銷郊甸罷警北有
亡命之虜西有無厭之戎公卿大夫未免旰食臣幸而獲
宥其榮已多豈可竊功僥名以圖不朽其若千古何昔漢
為霍去病理第辭以匈奴未滅無以家為况今殘孽尚存
而敢播美金石臣雖才不逮名竊慕古人之志所望再效
為蹇遠斥兇渠三虜之首必懸四海之波自定從茲偃仰
可以息人然後紀功亦未為晚臣以誠願實在於斯伏
聖恩特遂勤請無任惶怖懇迫之至

為杜司徒讓淮南立去思碑表 劉禹錫

臣某言伏見淮南節度使王鏐一作鏐所奏當道將吏僧

道耆老集作壽等請為臣立去思碑伏奉聖旨允其所奏內

惟菲薄聲績無聞祇荷恩私慙懼交至臣某誠惶誠恐頓

首頓首臣伏蒙先朝過獎累典方隅頃鎮江都十有四載

數周星紀水旱備經境接淮濱兵戈時起至於邑里粗免

流離非臣所能悉與聖化在唐堯可封之日奚假吏才集

當漢宣責實之時皆師不詔旨王鏐與臣交代輒有上聞

况以去思為名慙無可之績伏以建碑示後集作甲令

垂文苟非至公則翻

集

作 貽誚臣伏覽故事宋璟自廣州

都督入拜

集作

尚書南

海之人請刊樂石璟自懸

集作 讓

至於再三雖勤其文竟

從降制在於國史

集作者 舉集作

為美談璟非苟榮人蓋見德臣才誠不逮心實慕之伏乞

聖慈賜寢前命情非_此讓義在徇公無任懇款之至謹奉

表陳讓以聞

代公主讓起_此宅表

六百五卷重

李嶠

臣妾言伏承聖慈以妾居處褊狹欲開拓宅北更起新第

恭聞睿旨不勝慙惕陛下骨肉之愛天至而溟深敦叙之

風日隆而月厚乃復推心連萼結念同胞方欲廣沁水之

庭除增常山之版築雖_此恩曲獎惠澤實浸於肌膚而坊

公害私謗訕恐盈於道路况臣妾承靈天妹藉寵玉姬

服亞於椒宮上田方於_此杜甲第之當衢何術並列三區

別廬之帶水連山料盈_此內畝深埒則可乘騏驥高樓則唯

待鳳凰常憂暇室之易_此災竇懼滿堂之難守寧可更求輪

奐別構崇深擾閭里之_此毗黎傾國家之府藏且鬼神所福

常矜於缺隅賢聖垂_此篋必誠於豐屋孫叔辭良沃之土曼

嬰求湫隘之居妾雖_此蒙頗聞訓典實願歸_一師老氏

以止足自防仰慕周公_此行逸豫為戒但希安分於容膝非

敢攀榮於潤身且坊_此為_此衝地當貴里畝賃二三十貫居

人四五百家奪其_此近市_此門閭生其破家之怨讟雖下人

之不語豈愚妾之能安_此妾之平生每存捨施屈身濟物

心所願為益已害人情豈非處今麥苗雖盛谷價未豐家
少糧儲人多菜色但可勸耕耘之業未宜興土木之功伏
乞俯察愚誠傍詢衆望體果作之尤要知西第之非急收
茲霈澤惠被黎蒸則天下蒼生孰不欣幸無任慙歎屏營
之至謹遣某官詣朝堂奉表陳請以聞謹言

為公主辭家人畜厓官給料表 前人

臣妾等言妾聞賢相防微裕一作林盈門之車騎通人酌損

忌滿堂之金玉尚子平之讀易富不如貧孔宣尼之立言

奢也寧儉末言故實此為明鑒妾等並承靈坤載荷蔭中

樞或天妹申慈忝扶桑之垢萼或王姬藉寵竊穠李之奇

秀開心水之園苑賜常山之湯沐榜懸金字分欄雜糞之

帝路夾銀河並列星辰之位通秘藉於龍廷之內狂仙

於鳳樓之下殊私曲獎以日而繫年縉禮崇徽夸今而邁

昔兼復別隆朝旨猥存家務輿臺供隸之衣食棧廐豢牢

之秣養並迴中府俱出大農聚終歲之儲但憑絲紱供闔

門之費不煩機杼仰祇鴻澤退省微躬生以地高徒竊雲

霄之幸寵非德進曾微纖芥之勞何義而虛受渥恩何功

而謬延賞賜是用每積慙悚常憂顛沛收忘周公逸豫之

誠深念老氏止足之言乞留聖慈俯鑒愚懇使榮無過愧

滿不至溢國邑出租之常料既已豐殷馬牛陪隸之雜供

並希停減庶得無耗府實稍清朝謗長轂遠馭不逢於致

寇之人高門洞開無怯於害盈之鬼不任兢悚愧懼之至

大元正人卷 卷之六 五

謹遣某官詣朝堂奉表陳請以聞

為裴駙馬讓官與父表

臣某言臣聞善則歸君臣之報主功推於父子所榮親臣

本愚賤幸承門閥擢自弱齡得尚公主耀一作輝宗榮黨何

已七十年成名效能曾未之有得是以昧死旒表陳情控

告臣某謝中臣聞情隱而言不吐者事君之罪人心孝而迹

未行者事親之逆子臣擢自泥滓起登上第受國之寵負

親之恩情所隱而言未吐者敢奏於今日臣門閥少薄冒

因遺緒父叔昆弟忝列朝班唯臣一身特拜都尉然駙馬

之位因天所封寺卿之階何功受賞富過宗祖榮過棠棣

無德而祿將何以堪臣父正議大夫前太子少詹事臣居

士夙預周行早規陳力頃以天沙溥洽許順懸車然朝命

先霑已三十載累年効職復十教遷金紫未階爰從致仕

桑榆尚早寔願榮班臣亦何人獨多勳賞臣聞父子罪不

相及而官獨踰於父雖爵因天假不限高卑而官入私門

自多伊愧每用責躬晨省覩惡疑作朝端臣子之情祗所

不忍伏乞以臣在身三品并見在進讓臣父本品降賜於

臣貴得秩祿相次承寵朝聞夕死實所甘心伏願陛下容

臣恭讓允臣愚懇非直聖朝高孝理之風抑亦微臣盡為

子之道

死罪誠孝莫紀外歎所... 辭倚閭奚望不自灰滅
偷視光陰尚何心... 下愛結敦叙慈深宴逸
免之苦塊錫以衣簪... 恩飲澤誠厚荼蓼之戚胡顏
以寬况天地同節宗... 尊卑共儀達喪有典使臣外
掌邪禮內虧庭訓... 何以奉宣名教克弭訕謗臣之愚蒙夙
夜揆鑒平居疇日廢職曠官况識亂匪莪情荒植栢寧可
儀刑八座損益萬機... 玷玄猷上穢清鑒伏冀哀其窮懇
惠以至德用伸犬馬之願獲遂烏鳥之情則地義所弘彌
文於未錫人倫所詠實光於孝理無任荒迫之至謹奉表
陳請以聞臣攸寧誠惶誠恐頓首頓首

此篇原在五百八十一卷中今移此

讓起復表

張九齡

皇上臣九齡言伏奉去年十二月十四日制書復臣中書
侍郎同平章事者外沮公望內奪私情餘生力微哀怖殞
絕臣某誠哀誠懼死罪死罪伏以宰臣集作相所職贊理庶
事陶冶大和以余萬物苟非所任有受其殃臣實卑人本
無大用况在艱疚觸緒哀迷矧以素所不堪加之荒塞而
軍國事重翼亮誠難臣獨何人謬居此也退省所有負敗
將及雖願感恩扶力匍匐性命其如塵玷聖鑒汚辱台衛
於國非急於理虛奉臣比年限役多闕晨昏疾疹之際遠
乖救藥凶諱之日遠隔蓬萊而星霜未周冠纓載迫是以
庭闈昔絕几筵今阻凡日名教實所深哀伏惟睿情有以

未錫况質言非讓悲感不更言天之心惟聖所體實其哀
素有次喪紀獲終耐容其迷乞遂情禮臣無任感絕哀迫
之至謹詣朝堂奉表陳乞以聞臣誠哀誠懼頓首頓首死
罪死罪謹言

開元二十二年正月二十七日

同前

王鉷

草土臣鉷言伏奉制書後臣御史中丞餘竝如故恭承
獎五情震越臣謝臣弱喪所生不能自立慈親撫育得以
成人所恨終身號慕無及今纔踰卒哭寧冀生全聖澤曲
流天光特照記臣於苦志之下起臣於風憲之前知臣轉
深萬死難謝誓將糜粉上答殊私豈固禮經輒稽嚴命但
臣自丁艱夜日斬庭履編料形體未甚驅策徒招謗議
能支持不敢辭訴無任感懼荒迫之至謹詣朝堂路左奉
表陳乞以聞

第二表

前人

草土臣鉷言臣迫以私情銜血上訴曲垂聖禮敦喻彌深
恩重難移心孤易殞哀榮之極肝腦何酬謝臣伏在糞土
之中苟偷朝夕之命殊私荐及特蒙收獎授以風憲委以
澄清臣雖至愚豈不知天慈所屬使臣即蹈湯火若登雲
霄安敢固辭輒拘常限但緣荒瘵忽忝衣冠自審殘生必
招官謗謹冒死重請不勝戰越無任哀懇荷戴之至謹詣
朝堂路左奉表陳乞以聞

同前

蘇頌

草土臣某言伏奉恩制授臣銀青光祿大夫起復行尚書
 工部侍郎兼封如故制書俯臨荒怖殞絕臣某謝中私門不
 造殃罰所鍾遂延先臣未辭聖代陛下飾終念舊事光前
 典臣孝誠微薄不自滅身幸忝大臣之胤假存主祀追惟
 慈父之恩不可復得痛殷創鉅豈冀生全臣心欲言言不
 忍喻陛下孝理天下俊乂在官恤臣遺孤加臣寵命非臣
 舉族少能謝天誠以吉凶典禮朝廷大政喪親執喪人倫
 為極使臣廢禮於心極冒榮於喪紀虧紊過甚將焉用之
 况其不任孰可陳力抱釁窮懇理殊他人匪直悲深名教
 亦感增存沒茫茫昧死罔知所裁伏乞聖恩垂察命
 任荒迫之至謹詣朝堂路左奉表陳乞以聞

同前

庠秋履温

草土臣履温言臣行迺神明禍歸先父日月未幾苴麻未
 變伏奉恩勅授臣駕部員外郎克朔方軍判官詔書臨門
 匍匐廬次捧跪驚骸號纏痛絕氣殘毀容臣今殞越伏以
 滅性非教逃天莫由敢祈孝治唐少察哀訴謝中臣門緒單
 賤本無兄弟惟臣一人鞠育鍾愛幼在隴畝輟臣讀書家
 貧本無僕役柴水為資一作臣在師氏父常有勞束脩資
 費母亦勤績訓誨之漸明時忝官唯資以榮過此無報豈
 謂祿養纔及殃釁已深所侍老母風氣仍積每臣崩摧撫
 對增病臣稍用割哀就一作禮間哭承顏若乃一作暫離

母亦難保且祠祀無主几筵何依臣之憂酷特為尤甚逮
及秋季始至小祥苦廬尚新墳土猶濕聖情何忍令其輟
情顧惟形骸實污冠冕臣又近染風疾似因哀瘵語事便
忘居常輒驚以此從戎必不堪命伏乞憫臣艱疾察臣孤
獨卒臣喪服衿臣母老則生人之本盡於哀敬國家淳風
載激流俗無任荒懇

讓揚州長史起復表

李朝隱

草土臣某言奉親無狀禍降私門窮衰殘喘不自殞滅朝
夕苦塊纒經半年伏奉四月十八日勅書俯奪情制授臣
揚州長史荒情震怖悼心失圖臣某中謝臣險釁不滅才術
無紀徃因叨遇頗升榮秩猥忝青紫罕裨塵露今乃寄以

私志未終且臣亡母在猶蒙曲澤憫其羸老抱疾不任隨
臣之官有命自天數令歸覲受恩未幾此禍俄鍾上既不
蓋天慈下則未由就養今復號哭無位奠酌莫親有倍哀
情重增摧苦况臣之在疚尚未小祥遽此復官殆無其例
臣今扶力自曳哀惶詣闕伏乞賜停權奪許以終哀則微
命偷生終期報國荷廬過隙少答允懷無任窮懇之至

第二表

前人

草土臣某言臣在艱攻遽蒙榮獎曳體陳欵冀遂荒誠天
貺綢繆未蒙哀允一作許進退狼狽悲惶殞絕臣某中謝今臣
言敢以陳冒臣自少不幸先

臣早世唐諱亡母養訓謹能成立昔處微秩其旨不克及忝
大官臣親已老從官或遠不任扶輿十數年來每違左右
以臣長子常恨不見積此憂憶遂成沉痾是臣不孝莫慰
母心追惟及此五藏隨裂且母尚憶臣以成病臣豈可變
緩以就榮新穀未升便起如故則臣何力以負斯咎何心
以忍此痛何庸以承孝理何面以對吏人又臣先患風緩
頃加心疾觸事迷錯鮮能行步臣平日無釁猶不如人今
疴疾轉侵朝不報夕仍令處事恐辱所委徒紊藩條必不
勝任以是冒昧不測仰天重請望輟前恩以全餘息忽不
聽臣血淚俱盡死亡無日無任荒迫之至

第三表

前人

上臣某言昨再犯宸嚴亟陳哀懇荒辭謬理不足感
恩既如初又令斷表臣知萬死豈合觸冒誓畢窮命更披
肝血匍匐下迷悚懼失據逼迫碎首不知所陳神臣既自
傷早孤墳塋未立母因臣成疾以至於亡殺身何瘳昊天
罔極母終日近遷柩猶關臣病危殘懼不克葬故欲偷生
忍死冀遂本情服勤墓側以畢封樹不謂殊私忽降委臣
藩岳累有懇誠天恩未許事君違命罪在殊刑喪親靡終
期不覆載去就無屈幽明受責雖大和所容而莫知所擇
且臣先患風緩今已積年往年任大理卿於朝堂悶倒困
殆良久朝臣共見自爾已來數數發動及丁艱酷此疹彌
加每常一發累日一作不起心緒煩迷若喪若失更令處

劇形必不支窳闕營壘則倍苦心形俱極死可立至若不具陳實理便成欺罔聖恩送終莫從郡務不舉無益於國兩罪何逃殘氣泯焉誰執其咎特望哀其巨痛救其將死知臣無他直以衰病惜臣微喘使延晷刻嚴命少輟禮得終非臣最爾所能上答臣今哀辭窮極莫可告訴至天后土實鑒臣心前後所上無非至切敢有片言假託詭露虛妄天地鬼神當共夷滅臣身以謝陛下恩遇之重况爽震越不知所忌無任懇苦之至

讓起復除黃門侍郎表

張說

草土臣說言臣私門凶咎喪紀未終不自毀滅苟存聖代

集作失圖哀痛頓絕臣說誠惶誠恐頓首頓首死罪死罪

臣訓立得紹基構忝列簪裾從官歷年晨

昏多闕播遷遠裔離別一作又苦顧復無答報養何追心

所推感語不能喻甫至冬中禮及祥禫今已春暮瞻言幾

何是臣事朝廷日長戀几筵日短乞寢嚴命許達私情訴

衷祈天所望矜遂無任荒迫之至謹詣朝堂路左奉表乞

哀以聞謹言

此篇六百一卷重出今已削去

第二表

前人集無

草土臣說言臣在疚承榮布哀陳款精誠無感天睠未迴假喘殘生悲懼轉集臣說誠惶誠恐頓首頓首死罪死罪

臣聞苦者不覺聲哀窮者貴其言達情有至切辭無敢隱
臣為少子慈愛所鍾每一離別輒加憂憫况臣生年多故
遠隔私庭終堂之日身限公事存既數遠左右沒復不畢
几筵痛心自傷特殊人類臣今望延數月企及拜期乞恩
無多報國非晚冒死重請冀蒙哀遂無任懇迫之至謹詣
朝堂路左奉表陳乞以聞

第三表

前人集無

草土臣說言臣荒喘窮情拜黷旒宸一作宸懇誠不到未感
天心誓將冒死祈恩分外謝中臣本書生門非代祿數葉單
緒族無親房臣父遭憂曾祖未葬臣有兩兄一妹甥姪九
人又有中表相依尚成百口吉凶衣食待臣以辦臣今詳

職一作職黃閣侍奉丹墀厚祿清班一朝改官舉宗榮頓為

幸過甚人情所欲豈合稽恩正以煢煢苦心有所未盡臣
亡母在日朝夕誠臣以臣獨立無徒好直多忤知子者母
果驗所一作此言往罹大獄寘命炎海晨出晚歸貽慮非一
况涉危難傷心幾途追計生平倍增摧慕侍養日少遠離
日多即一作則臣母憂臣以終身臣其忍服縗以從事情既
不同常例望在特降殊恩一作私臣先患風緩近加虛痺陛
下倘從臣數月容過拜葬非但寬其哀疚固亦全其生理
亡身報國庶竭後圖木植一作直有性枉之則折人願在心
遠之則苦雖強一作欲為用將何以堪街泣仰天冀蒙哀乞
無任懇迫之至謹詣朝堂路左奉表陳乞以聞

此篇六百一卷重出今已削去注異同為一作

讓奪禮表

吳競

草土臣競言伏奉去年八月十後編有日恩勅追臣赴京

起復尚書水部郎中依舊兼判刑部郎中知國史事聞命

驚號心手無措臣競中臣行負幽明禍延所怙一作銜哀

茹血五情崩潰卜隣之訓永慕不追陟咭之感窮寃已及

但心同木石未能自死豈悟後篇作謂皇明旋加辟命且

臣聞在家稱孝居國必忠苟違斯理實虧禮教焉有躬嬰

荼毒而跡忝南史首伏苦蘆而名叨東觀將何以發揮帝

典褒貶人倫定一代之是非為百王之準的臣不敢遠喻

前古廣飾序辭自近歲以來起復者則有御史大夫解婉

賢門侍郎張說工部侍郎蘇頌皆訴哀陳款特蒙矜

實成例竊敢庶幾伏願陛下敦孝理之風全通喪之典

收綸渙俯納懇誠許其畢歿私庭終服凶次獲申負土之

禮用展攀栢之悲則雖死之年猶生之日無任荒迫之至

謹遣臣大學生終奉表陳乞以聞

此篇五百八十一卷重出今已削去

第一表

前人

草土臣競言頃表乞哀誠聲未蒙矜亮獎喻彌切鞠

躬周章倍號聞自至緣本因兵革權宜變禮不

為文儒後浮薄存紀事匪軍容亦從權奪陛下休

明撫運景惟近代之澆漓復先王之至德况

史官之任代學約若苟一情禮輒徇恩榮覲目強顏操
簡書事適是玷朝之孝理何以樹終古之風聲特乞天
慈少加矜察使事情苦少申悲露則天地之恩實為至
厚臣子之幸此克全無任懇迫之至謹詣朝堂路左奉
表乞哀以聞

第三表

前人

草土臣競言臣去九月一日冒死哀訴冀得終服私門天
睠猶邈未垂哀察跼影窮號罔知自寘又奉十一月二日
勅史館要才須從權奪宜令州縣敦諭發遣者伏對崩號
觸緒屠裂臣某謝中臣孝虧誠感奄遺憫凶瀝膽銜荼崩心

是掌記言臣昔忝此官十有餘載才輕寄重答效無施
能褒貶有章使人倫知勸典暮大訓與日月俱懸即微臣
平日其曠職如此今心形墮越荒疾失圖寧可重處南董
之司頻叨班馬之列實貽貪祿之咎更招廢禮之辜顧視
等夷何施而目且三年之制貴賤同遵四時之悲几筵是
託乞歸身苦壤趨侍松塋既不自素心亦不玷皇化干贖
已屢伏待刑書無任迫迫之至謹詣朝堂路左奉表乞哀
以聞

為 命 尚書左丞兼御史大夫第二表

獨孤及

草土臣某言臣 恩懇錄死上陳冀回日月之光

曲成蟻蟻之命伏望可西言未蒙允捧讀聖旨

五情殞絕臣以適四方宣王命之任必擇職位素高

聞望炳著臣對有以方者以充其選臣以宗室末屬

妄荷寵命臣才與知俱不如人况今衰羸殘喘加以

病苦支離沉痾歷夏及秋終日不過一食不飲臣

自料若力疾祗命適數千里雖欲自強必臣

詔旨廢失是憂臣伏見廣德二年七月赦書臣天下起復

之官俾集作終喪禮此陛下孝德過於雨露集作然渙汗

之發率土霑濡集作豈獨令臣隔在赦外又尚書右丞會

府之樞轄御史大夫王八下之準繩宣慰巡撫朝廷之大寄

臣使百寮師師何以取則臣夙遭不造備生人之艱集作

一命先臣棄背養母鞠育至於一作成立遭罹二京覆沒

第以宗室見害臣惛然茹痛獨侍板輿備嘗險阻莫及榮

養纒擢掖垣慈顏遠代罔極之痛終天莫追今靈筵未塵

墳土尚濕遽命集作臣荷金印之寵處皇華之榮使總帷

廓然莫祭無主此恒情之所不忍也陛下其忍之乎伏乞

聖慈曲臨皇明下照矜臣哀集作察察臣不逮更擇時彥

授之使職許臣得以羸骸終其喪紀實天地之施鍾於臣

身倘殘魂不集作滅賤集作質川委誓當摩頂至踵以答

聖造臣無任哀瘵懇迫之至

第三表

前人

草土臣某言再以微誠伏閤請命綸言累降天聽未廻仰
戴聖情俯循哀感悲懼交迫悼心失圖臣某謝臣才能不
及中人且未嘗有毫髮勲効陛下不以臣不肖特降殊私
授以驅馳之任賜以親賢之目臣且匍匐奉詔勦力將命
寧敢矯禮為名以讓自飾顧臣羸瘵奄奄行步支離力有
所不任用有所不逮風憲重任也宣撫大典也誠恐以疾
墜天集作命隳使職負陛下所舉以重臣之罪方今濟濟
多士盈於朝列陛下捨而不集作用而拔臣於苦蘆之中
必以臣守職集作為小有可採臣之他日猶不如人况今
心勞餘息方寸紊矣焉能為陛下震揚休命覽觀風俗
惟知不勝任是以率然舟楫誠循冀識察陛下仁聖
懇則死之日生之年也臣無任哀懼之至

第四表

前人

臣某言一昨臣以哀瘵叩奉恩私封章三上不蒙矜允猥
以羸繭之質謬銜出疆之命賴陛下威靈免貽咎責復得
待罪朝庭集作拜首集作几筵仰荷天恩集作俯慙靈祐
臣謝頃陛下不以臣駑蹇特加寵渥者豈非知臣屬忝宗
明曾奉使河朔謂能闡揚天旨懷柔遠方而尚書省材贊
如林庶政必舉陛下垂拱群臣守職固不假臣以區區之
力重尸省闡明矣今將命既復本職未解敢恃皇眷輒復
陳乞臣莞然在疚獨無兄弟荼毒日淺劓鉅痛甚且又疾

集作 病四體支離重寄榮遇人之所欲力有不任豈敢虛
受此臣所由拳拳不已有望於陛下也臣伏以三年之喪
未足申罔極之恩先王制禮以節人情臣本喪未及
一年奉使已歷三月若有假國家名器食陛下祿俸是臣
亡母於臣有終身之愛而臣於亡母無數月之報先聖以
孝感爲號陛下以孝德格天錫類之恩宜及海內今寵命
一降使臣有不孝之日子而不孝臣亦集作不忠不孝不
忠人所當棄豈足爲陛下操持綱轄彌綸憲章臣之頑固
猶知不可况天下僉論朝廷與集作議乎伏願許臣免官
遂臣私志儻終喪紀尚有餘息誓當摩頂粉骨以答殊
恩無任

第五表

前人

臣某言臣去十一月某日又詣銀臺門上表陳乞集作至
今積旬未奉恩旨屏營無地哀惶疚心臣某中臣最爾朽
質叨奉明恩遠天固辭豈不知罪實由恃陛下蒸蒸之德
故敢守臣子區區之意伏以忠孝之道禮生於情資親事
君愛敬同等臣生處聖代齒力未衰致身日長效節途遠
獨慈親遠棄永往莫追先王制禮居喪之紀有限昊天不
弔欲報之德罔極而含哀茹痛緘哀日月九字集作而特
集作寵干貴雖欲僨俛從事使臣何以爲心蓋三年之喪
金革無避自魯公伯禽晉襄公始也實以徐戎秦師之役
有爲爲之非是則否故孔子對子夏問曰以三年之喪從

文苑英華 卷一百一十五 三十一 廿六年

利者吾不知也今朝無徐秦之難臣非金革之任竊陛下
名器是從利於喪也食稻食錦之責捨臣誰歸凡由全萬
物使不失情性集作性天地之仁也鞠育嫗煦知寒熱疾痛父
母之慈也兼仁慈集作二字而有之明君之惠也臣是以又持
愜款昧死上言竊希天父之恩不奪臣子之志泣血待罪
惟陛下省察無任

第六表

前人

臣頃頓首昧死詣闕累陳情狀肝膽悉已披露懇誠冀蒙
識察于今浹辰德音不下實由臣辭淺意陋無以動天哀
惶失圖跼踏無地臣某中謝臣雖親忝葭芋才實驚鈍位忽
過重集作恩亦加等宜竭勛力仰時造化豈敢飭讓自言

企禮顧望嘗聞上有至仁之君則下無失性之臣一作陛

下以蒸蒸聖德格于上下故臣以哀哀孝思敢辭寵榮一作

榮陛下豈忍抑其微誠假令臣損情變禮陳力就列亦猶

雙鳧乘鴈何補江海况敢貪不次之寵遺罔極之報因喪

徭利以哀為榮此臣所以屢黷天威望廻卑集作宸聽懇懇

至願形於累表拳然待命惟聖慈察之臣無任

第七謝免起復表

前人見集本

臣某言伏奉某月日批勅矜臣荒涼之情許以殘喘終喪
使奉几筵獲展哀報陛下誕敷五教惇叙九族以臣屬忝
枝葉哀纏蓼莪故恤以皇慈使及於禮天地之意曲全人
欲日月廻照下及苦廬伏讀詔書感懼交集仰戴聖造若

蚊負山屏營瞻奉惶悚是趙臣無任哀戴之至

為李懷光讓起復表二首

按舊唐書李懷光以大曆十三年起復獨孤及

神道碑大曆十二年卒今英華以此二表為及所作而本集亦無之疑誤隨前人名氏

草上臣某言伏奉某月日制書起復授臣某官某使捧對恩命哀號失圖微臣夙遭凶釁幼集荼毒亡母鞠育歷暄寒三十年間勤勞備至俾臣習武教臣觀書丁寧懇切僅至成立自逢昌曆累辱驅馳待罪朝行或申微効皆母之訓以及於斯凡在輦列莫不知委而父從王事靡有定居晨昏屢違甘旨多缺則臣之於母所負實深扣地呼天萬恨何極伏願察臣哀迫許臣終喪少申子道無乖企及無任迷膠朝白之至

第二表

草土臣某言一昨具陳哀懇冀蒙諒察旋奉墨制有阻微誠精魄震蕩五內分裂中謝臣為學至淺昧於禮經今月死上聞實私情懇迫臣年未弱冠即罹閔凶終鮮兄弟惟臣與母零丁孤苦繼以婁貧衣食所資悉資紡績比臣從戎朔漠漸列軍行適遇艱難累經戰陣北出恒趙西趨鳳翔或徃鄴下或留河上臣母別臣積憂成疾禪誦之外涕泣終日形貌支離殆於骨立及兩京既復九方攸同臣在邠寧粗申力養豈謂無中祇速禍殃罰所鍾深顧起復之恩未負劬勞之報興言及此摧心痛骨則臣母於臣異於常母臣之於母不逮常人誠合服緣廬墓以終餘齒豈可忘哀

文苑英華 卷一百一十五
五言古詩
狗祿所務從權此則天地不容名教所棄伏乞納臣窮款
矜臣血誠俯遂愚衷許終喪紀倘殘生未泯子道獲全必
當竭力他年以答玄造雖復殞身鋒鏑死且無恨無任荒
迫之至

為商州吳仲孺中丞讓起復表 于邵

草土臣某言一昨瀝血上聞乞停新命聖情未察鄙志莫

申捧對天書載崩載殞臣某中謝臣聞忠孝同道君親一致

為子能孝為臣能忠苟或易茲固無所取臣幼多疹疾氣

柔形羸臣父閔臣尪蔡特所鍾念一飯一藥皆自躬親十

有餘年方至成立及臣委身戎幕効職塞垣頻歲驅馳頗

非視膳自授任中於所列班行始途晨昏復中未嘗宣稱

禮制其於子道所負猶深如或遠別几筵苟從職事此則

禽獸不若名教所無於家尚然於國何有况聖恩一作用

臣之意本為子儀奏聞當以蕃寇憑陵遠慮河中危逼謂

臣舊將素習兵謀遂用起臣使當金革危難之日事或從

權今郊壘無虞妖氛殘滅以臣苴經更齒衣冠自顧形骸

實慚面目伏祈玄造許以終喪殘喘餘魂死將不朽無任

迷謬崩迫之至

臣某長

臣某

臣某

臣某

後魏風俗之至

實神回且為符文哉藉以慈喪察謂翁與孫下殊無丑
對今政壘無真汝辰察以且直致更齒亦保自難承
百善耕素賢兵藉殺用味且與當金革武職之日事如
且之意本為子謝表開當以蕃家恩刻表憲所中或
禽禮不各各慈而無家尚然因回百於望恩一非用
豈歸其效于前而負辭表或如表限人發皆與燻事此似
未幾英華卷第五百八十
表二十八

辭官一辭官表二卷英華所編失年代先後今正之

為金吾將軍陳令英請免官表一首

為宗監請停政事表一首

為王起避諱辭澧陽縣令表一首

為定王請降王位表二首

太陽虧為宰臣乞退表一首 辭官歸滑州表一首

為董江夏乞退表一首

代于京兆請停官侍親表一首

為金吾將軍陳令英請免官表 武后 陳子昂

臣某頓首死罪死罪上言 臣 聞軍政不藏春秋責師故揚

干之亂魏絳致戮所以國有明賞下無濫功臣實幸以常

才文武兼闕始年類表作十八投筆從戎類表作西踰流

沙東絕滄海南征北伐無所不至藉集作寵門緒忝迹軒

墀屬高宗崇德深仁孝理天下八字類表作以臣父子

集作祖父兄弟一門五人皆仗節盡忠身死王事遂超臣不次

授原州都督臣時行年始四集作十二職兼五印寵集作

絕一時階緣此恩累忝藩翰持節統郡集作前後八州皆

居塞垣當賊衝要國之重寄莫與為集作比臣雖無長策

恤戎伏胡然恭守朝章保完免失又屬陛下大聖矜老容

愚不以臣駑怯更加寵命授以青紫遣督幽州林胡

王師出討士馬雲集軍務星繁糧饋戎集作甲以

一作晝夜不息以勤補拙首尾二集作年彌縫闕漏幸無

愆乏張玄遇等不謹師律賊得乘機遂敢長驅燕陲深入

趙地集作臣又無李牧東胡之畧實愧吳起西河之守使

凶狡攘奪集作遂擾邊圉論之國憲合劓頸謝罪陛下不

以臣之集作奉更授清邊軍副大總管五月恩制六月到

軍一作逆虜天亡臣又無效至於軍功戰籍叙勲定勞副

職日淺未及精覈一作大兵旋旆王師獻功而漢廷將軍

未聞辭第雲中太守已論增級今乃竊功謬賞有異集作

朝章忠誠殉節不昭類表國議一作而臣由濫其職任過

其才實類表上不能允副聖心中不能匡正

類表其職任過其才

戎律傍拓物議有紊一作軍容臣罪何逃誰執其咎伏願
乞賜骸骨貶歸私第式清朝序永覩師貞不勝待罪惶懼
之至

為宗監請停政事表 武后

崔融 神功元年

臣楚客言臣聞古之聖君慎擇賢佐故軒轅得力牧而為
五帝先夏后得咎繇而為三王祖殷之盛也伊尹格于皇
天姬之隆也號叔聞于上帝斯皆應風雲之會依日月之
光杜稷繫以興衰時政由其輕重粵若大周之有國也天
策金輪聖神皇帝提封千里光宅四天道化淳釀神功靜
默雖堯年無事久聞童子之謠而漢家用人或取匈奴之

臣某中臣度參強策卒無行也之功矣羽魯飛終

天之望今臣經術淺短才能朴畧言不足以補世行不
以勵時徒以枝葉微姻葭莩末屬遂得拔擢泥滓騫翥雲
霄食君厚祿不能有所輸報受君殊寵不能有所發明茫
然政途妨此賢路外慙衆口內愧諸心朝廷亦何異捨陸
而泛舟膠柱而調瑟當域中之有道豈天下之無人常深
禹覆之憂每切鼓妖之懼臣之懇懇非欲自保其身臣之
區區切慮上座於國今者契丹大勦默啜自來六合大同
四方向化加以朔旦冬至禹命惟新五星若連珠二曜如
合璧謂宜退不肖進賢良與天同休與人更始又聞管夷
吾有言曰德義未明於朝而使居尊位者則良臣不進也
功力未見於國而令處重祿者則勞臣不勸也臣有何德

文苑英華 卷一百一十五 崔融 神功元年 崔融 神功元年

而居之臣有何功而處之臣雖至愚敢忘先誠伏乞陛下
察匹夫之志思仲父之言坦至公之方弘滅私之道羊叔
子之辭聞府臣事君以忠庾元規之讓中書君使臣以禮
傳求于衆廣聽于人停臣檢校夏官輟臣平章政事臣得
避位清切待罪尚方罄竭單誠庶幾或濟伏惟陛下容納
纖陋鑒揆愚蒙使周勃無浹背之慙虞丘有退身之地則
雖死之日猶生之年矣無任惓惓屏營之至謹詣闕奉表
陳情以聞云

為王起避諱辭澧陽縣令表 前人

臣某言臣伏奉恩旨授臣澧陽縣令臣才疎藝薄植此無
庸命禹時來蓬茲多幸逢上聖之物初參太平之末位
承命待亟遊銓館之門草芥何為忽枉樞薪之綬召見
赤墀之下垂恩於紫霄之上豈徒任好之魄忽上於鈞天
固亦闕澤之名遂昇於飛且仰殊私而載惕顧匪服而增
慙雖刻跡都畿永無闕庭之望然委心蓬艾長懷雨露之
仁幸欣就日之明敢憚乘流之遠但以州縣之號與臣亡
父諱同迫切私情不獲遄赴伏乞天慈未錫聖造曲成弘
以孝理之風愍其心瞿之日使得策名他職陳力異邦則
地義天經實獎於名教糜軀粉骨豈酌於鴻恩一作無任
懇迫之至謹昧死陳表以聞

為定王武攸暨諸降王位表 宋之問

臣攸暨言臣聞力微任重無德者履之必危功薄賞隆有

識者陋其非擬臣地因外戚器實中庸顧慙蓬艾之姿謬
忝葭莩之末則天大聖皇后敦睦九族崇念六姻曲申循
子之情爰垂降主之澤禮優築館恩洽錫珪拔自堂姪之
流光以親王之位臣常再瀝誠懇集作已蒙賜等諸昆今
陛下隆德嗣興鴻基紹復群萬物而改旦宅千齡而配末
洛讖河圖允叶純深之義雲行雨施載流寬大之恩追奉
先慈將覃後命外家諸子降等循誓於山河主第增榮在
臣更超於等數陛下雖渭陽情重沁水恩多九是封冊玉
公終亦集作灑堯舜以濯龍之戚今乃方於五侯綠
馬之姻古未封於四履私親越禮聖人之孝理載光冒竊
庭災散臣之官傍斯久又以班叅禁內秩比侍中自非

全受賜則多生涯之幸臣無任懇迫之至

陛下隆德嗣興鴻基紹復群萬物而改且宅予齡而配
 洛誠河圖允叶純深之義雲行雨施載流寬大之恩
 先慈將輩後命外家諸子降等備誓於山河主第增榮在
 臣更超於等數陛下雖渭陽情重沁水恩多乃是封冊
 公終亦集作置於堯舜以濯聖之威令於五侯綠
 馬之姻古未封於四復私親誠禮聖人之尊理載光
 邁應璩識伴慶忌將何以對揚顧集作規獻文章况臣位
 恩升寵非才進無脛而至凡姿蓬於珠玉無翼而飛
 借其毛羽未貽身譴幸庇容光臣亡兄攸寧循榮增懼以
 臣叨鳧繹之貴日夕竟競負齷拊之恩歲時力盡屬續之
 女再受懇言憂臣愚蒙令臣退讓倘陛下俯遂勤請照集
 遠察真心納臣揆分之言置臣獲全之地去茲王號降以
 公名爰食封邑同諸兄弟賜改散職即望叅朝實異家福
 惟新朝典集作章咸序天德更逾於造化神理不責於滿盈
 臣無任懇欵覲懼之至

第二表

前人

臣聞富貴者易象謂之崇高滿盈者至人誠其顛覆臣在

非次久冒殊恩所以輟寢思是廢食懷懼慙歎集作之極

載陳前表備瀝中誠之訴實非外飾之詞而聖鑒未廻寵

章仍舊戴岳之重何憚力疲沾原之隍日憂身墜臣某

謝雖學慙敦史而塗聽前言尸位者必會短期冒榮者難

為長守豈有外戚尚主異姓封王男皆公侯女食郡縣佩

服五等輝耀一門湯沐山河家傳集作萬戶耕夫織婦凡

有幾人役彼有勞之人供臣無億之用集作無縱蒙聖心

垂假其如神理不容自先后臨朝攀榮已久聖皇纂

極沐澤惟新自古迄今如臣流輩苟進者速禍勇退者獲

全且王者所以強幹弱枝為藩佐集作拜封必李氏無闕

集作元伏陛下降可者之烟感渭陽之族賜臣繼命

永集作蒸嘗得同昆季之流均至捨郡王之號臣以日為集作

宗為憂希廻三舍之光允臣萬死之請無任覲冒之至

中宗蘇頌

臣某等言伏見今月朔旦太陽虧陛下啓輟朝之典有司

尊伐社之義臣等伏自尋繹無任惴恐臣某中聞官或

迷焉疑必犯先王之誅長弗次舍必貽上公之責此乃邦

有常刑聖有明訓頃者論道任重衮章猶缺端揆位隆鼎

台是亞所以熙帝之載代天之工調六氣之和法三光之

度則大化為本非小才所宜崇替率由咎徵斯屬伏惟應

天神龍皇帝陛下光被四海對越二儀人祗宅心俊賢翹

首但置之左右以為輔弼自忠言啓沃功臣保乂用作霖

雨格于皇天臣何人斯而敢叨擬議臣等智能素薄經術
殊陋望不過於掾史名不達於州閭徒以遭逢盛明頗皆
履歷叅廟堂之機密爲宗族之光寵者十數年于今矣忠
肅恭懿遠謝八元之名進善退惡近慙二君之美陳平有
言嘗則不稱賈詡延誚居然已得光陰久馳年禮俱逮自
應屏黜以清彝序而徘徊聖恩萬一希效僥倖殘歲甲子
空多遂超總領之司愈失具瞻之望將何以匡翼庶政儀
刑師屬且視事而老才媿千秋之賢待罪安歸憂深萬石
之裔久知塵穢寧虞負乘所以素飡加責聚誼於下薄蝕
生災見昭於上天之所戒臣不可逃陛下矜而有之未敢
于墮伏乞收其印綬賜以骸骨則知胡廣罷位抑有前聞
徐防免官復自茲始臣竊其幸物誰不宜懇倒所祈以
交集無任切迫之至

辭官歸滑州表

李邕

開元中

臣邕言臣素無藝能積負訕謗衆多之口自可銷金怨讎
之心每堪殞首伏惟陛下至明大聖察之纖微盛德在人
洗之瑕穢山川納者不擇薰猶天地覆之是霑雨露且人
荷惠渥大抵官榮今臣蒙國恩私及驅疑作命事出涯分
之外恩加父母之深已逝之竟復歸朽質旣乏安地尚叅
高班雖欲殺身未能報主彌慙持祿有以保名但秋燕將
辭必徘徊於大厦老馬雖去終顧步於華軒况臣今茲六
十有七光陰荏苒行止一作下歌危就木之時不知幾懸

車之歲僅有三年即以今日歸州不任遠遠涕戀之極謹
奉表以聞

為薰江夏乞退表

肅宗

元結

臣某言月日勅賜某官某乙至賜臣制書示臣云者臣

伏見詔旨感深驚懼臣豈草木不知天心頃者潼關失守

皇輿不安四方之人無所繫命及求王承制出鎮荆南婦

人童子忻奉王教意其然者人未離心臣謂此時可奮臣

節王初見臣謂臣可任遂授臣江夏郡太守近日王以寇

盜侵迫惣兵東下傍牒郡縣皆言巡撫今諸道節度以為

王不奉詔兵臨郡縣疑王之議聞於朝廷臣則王所授官

有兵防禦隣郡並邑疑臣順王旬日之間致身無地臣本

受王之命為王奉詔王所授臣之官為臣許國忠孝集作

之分臣實未虧蒼黃之中死幾無所不圖今日得達聖聰

集作臣今集作年將六十老母在堂縱未能奉義捐生則

豈忍兩忘忠孝臣少以文學為諸生所多中年自耳順逸

在山澤聖明無事甘為外臣無何以鄙僻之故返為人知

遂汗官次以至今日臣又頃年貶謫罪未昭洗今所授官

復超越班秩罷歸待罪是臣之分今陛下以王室艱難寄

臣方面臣亦已忘身許國誓於皇天伏惟陛下念臣懇至

謹因勅使臣某官奉表以聞

代于京兆請停官侍親表

代宗

獨孤及

臣某言臣聞審官而用者君上之明也量力而動者人臣

之義也然則審官先於責實量力在於知止苟違斯道是必終凶臣以薄劣素空行藝遭逢際會累忝驅馳自受京尹向逾周月上無報國安民之効下乏推賢審已類表作進善

之能官謗日深內省知愧伏以去年冬末迄于今日竊聽閭閻頗有流散在于京輦亦多攘奪臣兄枉橫為賊所傷哀苦之中忍耻尤甚雖久令分捕而竟未就擒臣之無能於茲可驗偷安重任夫亦胡顏况臣同氣數人相次淪沒

閨門之內哭不絕聲應由臣無德而祿召此殃釁興言感慕痛骨摧心又臣老母素多羸瘵近從數載頗益沉綿臣妻先亡無人侍側飲膳衣服臣悉躬親頃任京兆少尹中

閣又司帑藏雖稱要劇亦有餘閒臣每退朝便道暫視類表自公言歸早見安否老母以數在左右都忘呻吟及

此領大府事繁務切鷄鳴而出暮夜方歸清晝之時莫見親面凡所服餌或非調適心有未快類表疾亦轉侵在臣

焦灼類表塔處無地專力養則有妨吏職徇公事則闕奉慈顏忠孝兩虧紀綱將廢以天倫哀緒未平之日憂老母方寸已亂之時雖欲自強必不勝任倘漸荒府政小紊朝

經類表他日噬臍固將何及或當重責已負前恩是敢泣血祈天瀝肝請命特乞免臣所職就養私門非惟有光孝理實亦少裨文化龜蛇殘類上報何階烏鳥微情反哺斯足無任懇懇迫切之至謹請者銀臺門奉表陳乞以聞誠

惶誠恐頓首頓首

代裴相公辭官表一首

為楊相求退表 德宗

于邵 建中二年

臣炎言比者盛夏無雨農人缺望遂軫聖慮迨乎孟秋乃下明詔並表羣祀神人協和膏澤旋降嘉穀無害衆盛可期此皆陛下明聖慈仁上應臣所以慙貌重位容身無地載積憂懼豈遑夙夜歷觀自昔帝王以理天下者未有不疇咨訐謨以熙帝載三五以降則有六相十六族共陳翼亮之功其在夏殷不易斯典逮周分六官秦置左右西漢因之以丞相東漢更名以三公魏晉雖有損益亦無獨任之道陛下拔臣江澤之外致臣密勿之地縱欲恩報鴻造兼襄盛業其如智識薄劣力所不任常恐負乘之類無以自負臣又聞之天有三台鼎有三足丞疑所以備四輔所以象四體創明堂構大厦非一木之力焉况臣駑愚而久備位今舞干以化戎狄脩好網羅并張兆人是賴朝多賢達野無遺逸一能勝臣者則指顧皆是豈以萬務之重而獨委於凡流乎縱臣一朝敗累分從隕越則既墜之跡死將安謝伏乞俯廻天鑒退臣散地舉用伊臯使不仁者遠臣雖萬死誓無所恨不勝待罪兢惶之至

河東副元帥馬司徒請罷節度表 德宗

崔元翰 興元元年

臣燧言臣聞享其名者必有其實受其賞者必有其功臣以往年奉詔東征田悅尋又伏奉恩命加臣魏博節度使

方將收其土地撫彼黎人致天誅以伸威布王澤而施惠
不得不居其任何事而辭其後摧敗雖多剪滅未即類表作則

未其賊偷延數刻獨保孤城田悅以潰亂殞身田緒以窘

通歸款聖恩復加弘貸悉復舊封以臣有擒制之所係繼

綏懷之所降附人徒之衆將吏之多特勅別置保寧軍節

度仍以臣兼充其使臣又方以勞來為事實且慰安其心

尋蜀西討河中內清關輔事殷任重勞力焦神正在憂虞

未遑辭讓今臣舉軍還鎮解甲息師况當歉歲未康疲人

類表作重固苦復虛兼二使別創兩軍職任既繁祿廩愈一作

倍且臣非有收郡邑壁壘之實不宜復加名位非有保城

池封畧之才不宜別開軍府而乃妄為繁費謬積恩榮在

私心懷苟得之羞於國典為虛授之失伏乞罷保寧節度

傳臣此使以保寧軍兵馬隸屬河東節度則聖朝有省約

之利愚臣城盈蒲之憂且臣尊爵大官窮榮極寵何待加

茲一職乃為被以鴻私今保寧河東兵馬久同征行以相

和協有同一體不必異名頗亦便安伏希裁擇無任悃欵

之至

第二表

臣某言為臣之道臣實聞之有難則受命而不敢辭事君

無苟免之責已安則避位而不敢處量已無昧進之譏况

禍過忌於滿盈任重憂於顛覆臣之所懼孰以類表作不為宜

臣少無材能進非輕術因逢屯難遂効驅馳陛下每錄微

功累加高秩皆緣恩澤備盡寵光名列台司位兼宰輔總
戎巨鎮類表居守舊都比又以東討魏州招降頗眾伏奉
恩命別以為保寧軍節度又以臣兼充其使重以四征羣
寇總帥諸軍加臣河寧保奉誠等軍節度并管內諸道兵
馬副元帥臣亦欲懷來欵附統一携離以此因循不即辭
避今者寇戎剪掃區宇混同方將撫綏無事征伐則止不
宜復居副元帥之任保寧軍將士與河東將士久同居處
並以和寧不必別為節度伏請停此二使許臣但以河東
節度使鎮守北藩猶有尊官又兼寵祿以為厚甚不可復
加雖尚偷榮近於量力豈將飭讓於外實惟陳請於中伏
乞聖慈俯垂照鑒臣無任懇欵屏營之至

卧疾辭官表

德宗

齊映

貞元二年

臣某言臣生何僥倖遇聖屬千年之運命何舛薄染患逾
十旬之程法既限於朝章事竟塵於天聽惶懼戰灼不知
所圖臣其中謝臣自三月天澤傍流御醫親降膏育既辨
沉痾日輕但於寢疾多時羸頓猶甚支體骨立氣力憊然
審慮旬日之間未任朝謁之禮更以法資畫一令在必行
豈以微臣虧於大憲况中書近密樞務重切不可一日而
闕臣以累月在假頗為曠闕罪實難逃更乞淹延心何自
處故臣之陳奏非敢竊退讓之名臣之懇誠非為追止足
之誠直以當其無病猶不逮人既以違文豈堪玷法伏乞
弘廣運之道崇大中之規是歸執象之言以副垂衣之理

豈微臣幸甚實葵草幸甚無任誠懇之至


代盧相公謝賜方藥并陳乞表

德宗

權德輿

見集本

臣邁言臣自染偏風今已彌月將息未減渥澤轉深伏蒙
特令供奉僧智昌醫療每日令中使存問及賜柳湯煎驢
頭方仍便令服餌者雇以庸賤昧於攝理久茲竊位常懼
害盈陰陽之和無補時化風毒生疾上煩聖慈靈方御醫
稠疊備至雖受恩服藥誠令漸瘳而福過災生慮難自保
况中貴將命寵臨私門犬馬之微日塵黓纒或有加減自
今上聞非常之恩伏乞停罷且台司要重庶政泉源以臣
平若素積官謗今右邊手足動用不隨自滯枕席已遠



承命未下憂惶無措蓋聞祿以詔功又以養賢以臣之
而無功績久此尸曠俯仰內訟逼於公私臣之情理實爲
難處臣之言詞不能自達使得終獲退免出遂微誠亨育
深恩實在於此無任猥逼懇款之至謹奉表陳乞以聞

貞元

十三年九月某日

代賈相公乞退表

前人

臣鯨言臣以庸愚謬尸寵祿位居師長職重台司徒叨渥
恩無補時化跼躅荏苒六年于茲去秋以來多病相繼每
自策勉以奉休明而筋骸內衰官謗外積近染痢疾綿歷
旬時進退之狀不恒寢食之理皆耗伏寢循省無所克堪
凡在常情皆願貴仕况臣累蒙任使實越等夷從容廟

集作

朝堂沐浴天澤恩私歲久誠每切於匪躬疲薶日侵事有
適於量力伏惟陛下覆育臨照曲成不遺俯矜愚衷移授
散秩則樞軸不曠輪轅適宜拳拳之誠所望斯足無任懇
款惶懼之至謹奉表陳請以聞

貞元十四年七月二十四日

又代賈相公陳乞表

順宗

前人

臣耽言伏奉今日制除臣檢校司空兼左僕射依前同中
書門下平章事祇荷成命捧戴恩私心竟震驚慙怖失次
臣以庸薄無他才能先朝過聽謬賜驅策叨居鼎任十有
三年猥承雨露之恩終闕涓埃之効累經陳乞未允懇誠
復以餘年再承休運集作命自陛下紹集作慕膺寶歷澤被
至亭育所加飛沉遂性而臣齒髮頽暮疾恙嬰侵萌

日兼心力皆耗况宰相之職用調陰陽司空之官實
水土從古授受重難其人以臣平居猶知不可今中既眩
毫外亦支離寢興不安言語失次豈可苟貪貴任上玷清
時省躬則然况在公議古者君有致政之惠臣感得謝之
恩鍾鳴漏盡前哲所誠年衰疾劇在臣為甚逼於情理敢
黷天威悽悽血誠期在鑒聽無任懇款恐懼之至謹奉表
陳讓以聞臣耽誠惶誠恐頓首頓首謹言

貞元二十一年三月二十一日

第二表

前人

臣耽言臣以疾病所逼氣力不任輒露懇誠上祈退免聖
慈備至私願未從詔旨便蕃慰勉纖悉自宜策勵以奉休
明螻蟻之誠敢忘夙夜犬馬之疾日益纏綿視聽昏煩舉

措乖誤心不記事口不逮心神理害盈正謂今日昔韋賢致仕者在漢庭韓厥請老書於魯史豈可以茲沉廢苟汗班榮逼於公私非敢撝挹自聖明馭宇動植覃恩豈於庸愚獨阻誠志乞廻天鑒俯遂殘生伏紙上陳感涕嗚咽無任惶懼懇切之至謹再奉表陳乞以聞臣耽誠惶誠恐頓首頓首謹言

貞元二十一年三月二十七日

第三表

前人

臣耽言臣殘年沉痾漸不支持再表上陳未蒙允許顧茲朽質徒感鴻私而枕席纏綿形神消耗上台之任歲月積深大病之期晦明難保自叨升論道扶疾拜恩邇來以羸瘠災因福過足驗於今伏乞賜臣

伏乞以時免職使得養疾家居傳求上才用塞人公朝無覆餗之責陋質荷生成之仁今攝衣拜章力且未足口占代署貴達愚衷無任感恩迫切之至謹奉表陳請以聞

貞元十二年十月一日

第二表

前人

臣某言臣以疾病所嬰在假既久自審不逮遂有上陳詔旨優答懇誠未允屏營慚懼不知所安臣聞為官擇人各司其局條貫責實集作條責實効共致理平九在庶僚猶不可曠况宰臣之任曷足承君調和陰陽左右教化能否之下利害繫焉苟有所壅其傷必大以臣虛薄備位四年奉勵精之勤但樂昌運當具瞻之地莫負羣心書曰百僚師師百

工維時言得其人也語曰陳力就列不能者止言審其分也况沉頓逾月冠帶未任風毒所侵惟望速差彼已之刺倍切於今以被病之微臣尸台司之厚祿自知不可如公議何伏枕披誠再贖宸衷冀廻天鑒俯遂愚衷所謂曲成豈惟平施無任惘欵迫切之至謹奉表陳情以聞

貞元十二年十一月八日

第三表

前人

臣某言臣逼於疾瘵累有陳奏再奉詔旨私願未從感恩則深量力難濟况偏風伏候與諸疾不同雖時似少減終慮成沉痾中樞務重不可闕人自臣在假已四十餘日曠廢斯甚兢惶益深一夫不獲一吏不職則繫聖慮以之憂勞今臣手足未平心緒未復卧受豐祿胡顏自安伏惟陛下順天理物躬勤庶政事無細大成遂其宜豈可獨私微臣久玷時化是以直疏誠懇不敢苟飾煩詞冒贖宸嚴期於照鑒無任惶怖震越之至謹奉表陳請以聞

貞元十二年十月廿六日

第四表

前人

臣某言臣素以庸虛又嬰疾病半年在假未任出入四表上陳備盡誠懇過蒙渥澤特賜優容聖慈則深私願猶阻俯仰衽席兢惶靡寧臣本謂至春和得漸平復今方藥通用根本未除雖簪帶假人得以被體而趨步無力難於拜恩輔臣之任百辟是仰遵守法度誠所宜先豈有踰歲家

居尚塵鼎飪况所受厚祿出於疲人竊位公卿尚知不可
沉疴私室何以自安易象害盈實在今日伏惟陛下弘覆
萬物曲成不遺凡在懷生各得其所以臣沉痾久曠官司
前後臣聞披歷肝膽期切之至謹奉表陳請以聞

貞元十二年二月二十

第五表

前人

臣某言臣待罪非據歲時已深寵秩逾涯災患自至一從
移病忽及周月五獻章表未遂血誠沉痾之身滯於床枕
職守之効絕於官曹虛費祿廩不安夙夜遂於去年五月
二十八日進狀乞停俸錢自後不敢更有請受竊冀素餐
之責少息輿議再懇之至上迴聖心邇來又經九十餘日
臣緩期於必遂不敢煩辭無任量力懇逼之至謹奉表陳

乞以聞

貞元二十一年五月二十日

第四表

臣航言臣聞生人所欲豈過富貴仕進之榮無踰公相臣
受祿過厚叨恩且深疾瘵所侵日月以甚表章三上宸睭
未迴蕭然私室溘盡是慮臣頃歲齒及懸車疾經百日輒
援禮令乞遂休閑先聖優容未蒙允許集作於允今則桑榆轉
逼沉頓寢深比於往年遠不相及前後陳請備竭肺肝特
希聖慈俯鑒愚懇羸骸假息所望退身瀝血披誠伏待明
命無任屏營懇逼之至謹奉表陳乞以聞

貞元二十一年七月二十二日

第五表

前人

臣某言臣以庸愚累叨爵命大行皇帝拔擢非次列於宰
輔歲時寢深塵路無補太上皇踐祚聽政寵登三公而臣
寢疾所嬰已在牀枕沉痾日劇氣力漸微自春涉秋四表
陳乞伏遇陛下繼明慕統臨照萬方澄清化源朝野相慶
但臣有疾所奏四支不任豈使將盡之人猶處具瞻之地
私誠所逼上黷宸嚴既非矯一作讓期在聽納無任懇款
逼切之至謹奉表陳乞以聞永貞元年八月八日

第六表

臣某言臣犬馬之疾福過災生前日以來轉就危困有量
氣力的不支持自陛下一作刪慕睿圖臣已寢疾一作瘵
不得一趨陛下謁龍顏一作幽壤之中以此為恨臣備極

哀痛最深求歸泉下無補明代伏惟陛下為萬姓自
幽明家禰無任感恩哀戀之至謹奉遺表以聞永貞元年十月十二日

代魏博田僕射辭官表

臣某言臣聞中原息戰子房得以乞身東吳既平范蠡終
能行志二臣皆因時効用遇主成功進展於盡忠退各
安於秩考所以立名萬古保慶一時愚臣夙心私有所慕
况蒲柳先邁鴛鴦易疲審已無堪量力知止吐誠上達聲
寫中懷仰覲天慈俯照愚悃中謝臣雖長於戎旅幼業詩
書每稟効忠之言早勵為臣之節當河朔承襲之日在軍
幕危疑之問每動險中幾隣於死常以捐軀報國率彼頑

入受命指蹤掃清餘孽用摠宿憤一作志以答明時一觀天

庭有聖願足但懷感激豈意遭逢伏遇陛下神武應期聖

謀獨斷臣得進陳忠款見委赤心唯將擐甲啓行執戈畢

力上憑睿筭凶寇自夷今日獲覲天顏躬承睿渥平生之

願既遂休老之志宜申豈可更貪寵光久冒榮祿使貽

謗取笑將來臣自總魏師初率歸化當時結念便誓此

祈於一作終始素誠非是飭讓匹夫之志猶不可奪臣昨自

本鎮亦以此意明言陳諭聖恩勉其忠義將士等皆懷皇

化盡激丹誠則一軍幸安且無足慮在於今日臣何所任

豈可久職妨賢待譏竊位此時不退何日宜退臣大馬之

言一作甚高筋力之間已知不健一作加以少罹

憂一作良久經行陳心力已耗若許其優養或冀保餘年

抑其愚性則生理必阻且身兼將相入臣之位已極蒲朝

子弟人臣之家至盛於國何補獨荷殊私所以優餘惡盈

樂在知足擊壤自歡於聖日懸車豈待於禮年是用瀝膽

披肝冒昧陳乞伏惟皇帝陛下德邁羲軒恩深覆載蕩除

餘侵理致太和動植含靈無不遂性方將旁求英俊共洽

昇平如臣以鷹犬之微獲申搏噬累塵高位常積厚顏福

過災生有當勇退且富貴榮樂是入所欲苟心所有尚意

趣或違疆其不能適足增苦儻蒙恩造獲遂優閑許歸衡

茅取樂餘齒是天地曲成之德君父莫大之恩五湖廻舟

生無慙於越相都門揮手死不愧於漢臣言披血誠情切

文苑英華 八五頁上卷

中素無任悃欵懇逼之至

代韓僕射辭官表

張述

臣某言臣以夙疾多時受任非淺常有負覲冒據官榮將
貽折足之尤以速素飡之謗昨者輒陳章疏冀蒙矜免不
意血誠徒懇聖慮未迴懷荷寵私有如冰炭臣聞力小
重久則致敗功微祿厚過則生災故經垂知足之言易
負乘之誠皆明力不勝任才不當官臣雖孱微嘗所執
且臣受鉞閫外二十一年第執金吾男居藩服窮極寵
萃臣一門每夙夜憂惶常恐身先犬馬不獲策勵鴛塞上
報鴻恩今臣實懼不逮是以告訴况臣心力未減猶可支
持筋骸已傷或難勉疆伏望聖慈哀察賜徇一作懇
其再一作有陳聞許以病免丹款一作遂沒齒為榮無任懇

至

第二表

臣某言伏以累獻表章微誠務達屢陳聖聽罪犯已多臣
聞固陋寒賤人之所惡富貴榮達人之所欲自臣忝謬即
宜推陳豈可蓄縮偷安致一作數一作得者不勸一作榮一作故禮以旌德賞以勸勞諒或苟差何以沮
勸臣自叨幸高位二十一年手足病風十有餘歲每恨國
恩未答沉痾遂嬰命竊極於公侯身實隣於廢棄幸逢明
詔獲覩闕庭天顏咫尺之間稠疊慈諭彤庭拜舞之際宜
一作賜人扶焉有臣對君上獲此恩禮陳于明庭雖丞相

曲

一作

賜人扶焉有臣對君上獲此恩禮陳于明庭雖丞相

三

三

乘車入朝鄴侯劔履上殿臣忝一作臣僥倖竊彼殊榮未知何功寵光及此史冊莫載今古全無皆陛下降稽天之仁垂極地之德特開貸納俯賜含容君父之恩不可稱量臣每退朝之後感極涕流唯思訓子導孫披誠瀝懇率令致命不止終身蓋由感深遂切肌骨但臣去就如此保固官榮尚稽覆載之私更安顯重之位則何以標明賞典準約朝綱臣是以陳露鄙誠罄竭於此昨者再披悃款冒死奏聞蒙賜批諭特加獎飭錄其微功未賜允從臣今輒敢復獻表章觸法陳乞特仰恩私養疾衡門則陛下無虛授之名微臣免曠官之責不奪之志告訴豈懼於再三缺望之誠允許庶幾於萬一陛下倘恕塵黷俯察區區容其病免

以狗誠請一作情雖死之日猶生之年臣無任

為鄭滑李僕射辭官表

臣某言臣聞虞舜之朝九官皆讓西漢之盛二疏云去蓋上以淳風盪俗下以廉耻激節故也况寵辱之際不驚則愚進退之間不知則殆中謝伏惟皇帝陛下德超邃古功格上玄誕敷文教丕變頽靡天地日月載惟貞明動植翔泳罔不咸若臣某席以枝蔭階緣休運弱齡入仕四紀于茲三省微弱一何厚幸是以每蒞一職每徙一官未嘗不心効權衡操懷竹柏雖雖齷齪廉謹曾無異績而毫釐過犯未污簡書知臣在君匪敢矜述自陛下嗣臨寶位一十七年不以疲駑猥蒙獎拔授以疆土假以麾幢入居宗廟之

司出典股肱之郡八座之貴臣拜者三六條之榮臣守其
五四開戎幕一佐中軍至如官相臺丞侍臣堯印兼命綱
疊累遷頻速輝光既極盈滿是憂間歲初領華州方宣聖
澤俄以滑臺選帥非次及臣雙旌自天匹馬之鎮此州當
四達之地控兩河之境兵雖勁逸人至凋殘臣遠仗皇威
推誠撫衆服勤吏事盡瘁牧人遂得黎庶就耕織之時士
伍知訓習之禮此皆大化光被臣敢貪天之功常恐三至
奪慈孤立速謗此臣所以怵惕惟厲中夜以興願披血誠
上達旒宸伏惟陛下少加憐察臣竊以酬恩徇節心實無
涯引重致遠力誠有極臣先於嶺南染風毒脚氣今年春
又患發鬢分將不起命及沾危幸沐亭育之恩免從進

之類表臣年逾知命齒髮已衰疾經沉痾方寸頓減又嘗

劇必慮闕遺臣又聞制類表閭者以重鎮爲雄仗鉞者以

專征爲務臣器幹不足以在類表任方畧不足以持權何

以統節制之師貞定否臧之戎律臣且陳力就列訓誥攸

存審才則然以病宜免况巖廊多士宇宙無虞爲官擇人

皆出臣右胡可晏安冒寵尸素妨賢乞降賜骸之恩以全

折足之咎臣獲退就散秩保養餘年類表候筋力之復

申赴蹈而寧晚臣於類表部勸課管田及以羨餘優恤

將士等事一一別具條奏冀明輯睦上副憂勤塵黷宸嚴

冰炭交臆無任懇切屏營之至

代裴相公辭官表 文宗

劉禹錫 太和四年

臣某言臣去冬得疾近日加集作方劇西夕之景豈能久留

及其未亂披露誠懇臣犬馬之齒六十有七壽雖不長亦

不為短位忝公台近十五年皆由際會非以才進常懼官

謗以招國刑令被病得死保其始終為幸甚厚豈復咨嗟

所恨者遇聖明之君不得佐成太平之化自量氣力忽恐

奄時一作然則心有微素無階上達伏惟聖慈照鑒臨而察

之中謝伏惟集作以三公非曠職之地宰相非卧理之官臣

伏枕之初已有陳乞請罷去食兼辭貴階集作之伏蒙優詔

纔遂一事頻降中使慰勉再三專令御醫旦夕診視苟安

名器不覺經時主恩則深公議不可伏思陛下臨御之始

察臣四人逮今零落忽已一半臣且危惙餘年幾何唯為

在外鎮獨得無恙竊持此理權位難居伏乞賜臣停官詔

在家養疾就閑辭祿或冀有瘳害盈福謙固是神理儻天

眷綢厚念以伏事多年臣之所陳未蒙便遂則國朝勳舊

以疾辭一作碎位者皆得致仕使其家居足以順養既有成

例著於舊章伏望天恩特賜哀允

臣某言

